

托裏內補散 專治一切惡瘡潰爛出膿之後服之宜

人參 川歸 川芎 白芍 甘草 白芷

防風 白朮 茯苓 官桂 黃耆 金銀花

各等分水煎服

護心散 治癘氣沖心嘔吐又名不 炙甘草

硃砂飛各錢 芫荳粉炒二錢 為細末作一帖白湯調下

當歸連翹散 清熱解毒通潤大小便 當歸

連翹 梔子仁 芍藥 金銀花各一兩 黃芩五錢

右每服五錢水二鍾煎七分空心溫服如欲通

大便加大黃二錢待藥煎將熟入之再煎一二沸服之

托裏散 治一切惡瘡發背疔疽便毒始發脉洪

絃實數腫甚欲作膿者 當歸 括萎根一錢半

大黃三錢 皂角刺 牡蠣 朴硝 連翹各一錢半

金銀花 赤芍藥 黃芩各一錢 水酒各一鍾煎服

乳香止痛散 治一切瘡腫疼痛不止

乳香 沒藥各錢 丁香五分 粟壳 白芷

陳皮 炙甘草 水煎服

加味當歸飲子

右云諸瘡皆屬心火，鬱則發

之 當歸 生地 升麻各五錢 防風半錢

荊芥穗 何首烏各一錢 柴胡 白芍藥 川芎

羌活 黃耆各三錢 紅花 蘇木 甘草各一錢

每服五錢 生姜三片 煎或沐浴 取微汗 効速使

血氣通暢 服藥應効

托裏溫中湯 治瘡為寒變而內陷者 膿出清解

皮膚涼心下痞滿 腸鳴切痛 大便微溏 食則嘔

氣短促 吃逆不絕 不得安卧 時有昏憤

丁香 沉香 茴香 陳皮 益智仁各一錢

木香半錢 羌活 良姜炮三錢 黑附子炮去皮四錢

炙甘草二錢 姜三片 水煎服 忌生冷

猪蹄湯 治一切瘡疽并諸腫毒 消毒氣去惡肉

凡瘡有口便湏用此湯洗 黃芩 白芷

赤芍藥 川歸 羌活 生甘草 露蜂房有

兒者各等分 先將豬前蹄兩隻重一斤 只用白

水三升 煮軟 將汁分作二次 澄去面上油 并下

肉渣 每次用藥一兩 投于汁中 再用文武火煎



十數沸去渣以故帛蘸湯溫之徐揩瘡上死肉  
惡血隨湯而下洗淨訖以帛拭乾仍避風忌人  
口氣吹之有狐臭人及月婦猫犬並不宜入病  
人房中洗瘡切忌手觸洗疽之方甚多惟此方  
極効其用露蜂此甚有理蓋以毒攻毒也  
麥門冬湯 癰疽潰後膿水不絕 麥門冬  
黃耆 五味子 人參 官桂 當歸 遠志  
白苓 芎藭 各一兩 炙甘草 三錢  
姜一片 枣二枚 水煎

四虎散 治癩疽腫硬厚如牛皮按之痛

天南星 草烏頭 半夏 生用 狼毒

各等分為細末醋蜜調敷番頭出氣

內托散 諸腫毒惡瘡一服立愈 便毒忌効 大黃

牡蠣 各五錢 甘草 三錢 括萎仁 二兩 梔子 亦可用

右分三帖水煎服

鉄井欄 治無名腫毒背疽以此圍之罨口出氣

芙蓉葉 重陽前收 蒼耳 端午前收 為末以蜜水上調

五香湯 諸瘡入腰托裏 丁香 木香 沉香



乳香

各一兩

人參

一兩

射香

三錢

嘔惡者

去之

加檀香

右為細末每服三錢水一盞煎六分空心熱服  
總錄聖惠千金外臺治諸瘡腫方中皆載此方  
大同小異大抵專治毒氣入腹煩悶氣不通者  
其餘熱結昏昧口燥咽乾大便硬小便澀者未  
可與服

止痛當歸湯

治腦疽發背穿潰疼痛

當歸

黃耆

人參

官桂

芍藥

炙甘草

生地

各一兩

每服五錢水煎服

金銀花散

發背惡瘡托裏止痛排膿

金銀花

無花藤葉代之四兩

甘草

八錢

分為

三帖

酒水各

半煎服

拔毒散

治熱毒丹腫遊走不定

寒水石

石膏

生用各四兩

黃柏

甘草

各一兩

為細末

新汲

水調

掃之或油調塗之或帛花上攤貼以涼水潤之

寸金丹

二名返魂丹三名再生丸四名追命丹

六名來甦丹七名知命丹八名得道丸非人勿

示若有人患瘡身未爛者與三丸服之嚙下便



活如口噤幹開研化灌之下喉立生治發背腦

疽癰腫遍身附骨腫痛先覺時飲水口中煩渴

發熱四肢沉重身軀壯熱射香一分乳香

輕粉 烏金石 雄黃 狗宝 沒藥各一錢

蟾酥錢二 粉霜 黃蠟錢各三 礪砂錢五 鯉魚胆

乾用 狗膽各一 頭男胎乳一盞金頭蜈蚣七條

全用 右俱為細末以黃蠟熬成膏子和勻為

丸菴荳大小兒丸如芥子大每服一丸病重者

加三丸白丁香七枚研爛新汲水調送下被蓋

出汗勿令透風凡服藥後喫白粥瓜齏就睡大

妙頭瘡腫痛不過三服

定痛托裏散 一切瘡腫疼痛不可忍如年少氣

實先用踈利後服此藥 川芎 川歸 乳香

白芍藥 沒藥與乳香各一錢半 官桂錢一 御米壳去筋膜炒

錢二 水煎服

柞木飲子發背癰疽已成未成並宜服之

乾柞木葉兩四 乾荷葉心蒂 萱草根

甘草節 地榆各一兩 右為末每服五錢水煎服



早晚各進一服

內托千金散 癰疽發背腦疽乳癰諸瘡癰未成

者自散已成者即潰 人參 川歸 黃芪

川芎 防風 白芍 官桂 桔梗 白芷

甘草 括萎 金銀花 各等分 痛甚者加

當歸乳香沒藥芍藥 每服七八錢水煎臨服

加好酒半盞溫服日進二三服若瘡口有黑血

出及有汗出者此藥之功也

牛膠飲 截癰疽惡瘡發險處服之使毒氣不攻

於內不傳惡証 牛皮膠

通明好者淨洗  
乾秤四兩為則

右用酒一碗入膠納重湯頓令膠撓勻傾出更

浸酒隨意飲盡若善飲者以醉為度亦用酒煎

却浸以白湯飲盡為佳此法活人甚多

國老膏 一切癰疽俱發預期服之能消腫逐毒


使毒氣不內攻功效不具述 大甘草

有粉者  
二斤

槌令碎河水浸一宿搽令漿汁膿去渣再用綿

濾過銀石器內慢火熬成膏以磁罐收之每服

一二匙無灰酒侵入或白湯亦可不拘時服曾



服丹劑燥藥亦解之或微利無妨

遠志酒

一切癰疽發背惡毒有死血阴毒在中

則不痛敷之則痛有憂怒等氣積而內攻則痛不可忍敷之則不痛或熱蘊在內熱逼人手不可近敷之即清涼或氣虛血冷潰而不斂敷之即斂此乃韓大夫宅用以救人極驗若七情內鬱不問虛實治之必愈

遠志米泔浸洗去心苗

右為細末酒一盞調藥末三錢運頃澄清飲之以渣敷病處

忍冬酒

癰疽發背初起時便當服此不拘疽發

何處及婦人乳癰服之皆有奇効外以麥飯石膏及神異膏塗之其効若神

忍冬藤生取一

大握以葉入砂盆內爛研入好酒或生酒尤佳調和稀稠得所塗敷四圍中心留一大竅出氣仍用忍冬藤

五兩用木槌微搗不可碎甘草節

一兩

右入砂瓶內水二碗文武火慢煎至一碗入無灰好酒一大碗再煎十數沸去渣分為三次服一日服盡如病勢重一日夜再進一劑服至



大小腸通利藥力乃到 若無生者用乾者終  
不及生者力大而効速其功勝於紅內消  
神仙截法 癰疽發背一切惡毒預服此藥毒氣  
不內攻可保無虞 真麻油一斤銀石器煎十  
數沸頃出冷用  
右以無灰酒兩碗侵入油重湯溫稍熱通口急  
服一日盡之為妙或疾發數日者亦宜急服之  
佳此法乃吳侍御家云三代用之無不驗又聞  
獵者云凡悞中藥箭急飲麻油則藥毒不行後  
於西山親見一人被虎箭穿股叫號不忍急以

此灌之良久遂定又聞鄭學諭曾用之効

黃耆丸 治因用針砭傷其經絡白濃赤汁逗流

不止 生黃耆錢 川歸錢 木香 沉香

肉桂 乳香各錢 右諸香並不見火為細末用

紫葢粉生薑汁煮糊為丸梧桐子大溫水吞四

五廿丸

忍冬丸 療渴疾既愈之後須預防發癰疽大宜

服此 忍冬藤根莖花葉皆可用以無灰好酒  
浸以糠火煨一宿取出晒乾入甘草少許研為





細末以所浸酒打麵糊為丸梧桐子大每服五十九至百丸不拘時酒飲任下 此藥不特治瘰癧大能止渴并治五痔諸癭等疾

援生膏

治諸般惡瘡及癩癧鼠瘻癰起者點破

即愈

血竭

乳香

沒藥

各一錢

蟾酥

輕粉各三錢

雄黃

五錢

射香

五分

右用蕎麥

稽灰或真炭灰一斗

三升淋灰湯八九碗用粟柴或葉柴文武火煎

作三碗取一碗收留二碗盛於好磁器內候溫

將前七味藥研為極細末入灰湯內用鉄瓢或

葉柳枝攪再以好風化石灰一升入葉灰湯內攪勻取出候冷過宿成于小白磁罐內凡遇諸惡瘡點在當頭一日二次一日又一次瘡頭食破約五分血水出為妙恐日久藥乾將前收留灰湯入之

烏龍膏

一名烏金散

一切腫毒瘰癧收赤瘻

木別子

去壳

半夏

各二兩

小粉

四兩

草烏

五錢

右於鉄銚內慢火炒令轉焦為細末出火毒再研以水調稀稠得所敷毒四圍留頂出氣或以

醋調亦得

透膿散 諸癰疽瘡及貼骨癰不破者不必刀針

以此點之不移時其膿自透累驗

蛾口繭子出蛾有口者右燒存性以酒調服切記只

用一枚不可多用如用二三枚即有二三口也

慎之此方絕驗勿忽

通門散 一切瘡疽無頭腫痛 山梔子三錢

大黃二錢 牡蠣炒五錢 地龍去土三錢 炙甘草五錢

每服六七錢水煎服以利為度

乳香拔毒散 一切瘡腫癰疽消毒 黃芩各二兩

黃栢 地骨皮 乳香 沒藥各二錢

為末涼水調攤貼腫處効

立効散 發背諸癰癤瘰癧乳癰與前方間服神

効 皂角刺不用枯者剉而久炒 生粉草二兩

乳香五錢 沒藥一兩 栝萎五枚取兩

右為末每服二錢無灰酒調下

灸法 癰疽初發小點一二日間急以大蒜頭橫

切如錢貼其中心以小艾炷灸之五壯而止若



形狀稍大以黃稭紙蘸酒全貼看先乾處為筋  
脚於脚處灸之或兩處先乾皆灸但五七壯而  
止又法屈指從四圍尋按遇痛處是根就此  
處重按深入自覺輕快即此灸之更於別處灸  
若腫大即搗蒜餅焙乾蘸法醋灸熱更換頻爨  
或以熨斗火於蒜上熨之逐次更換熱餅頻熨  
如竟患處走散以綿帛覆蓋勿令氣泄俟少間  
敷藥凡癰疽腫大如鰲之形須看頭向上下先  
灸其前兩脚次灸其尾或紅筋走緊而長從盡

處灸之須看頭并後兩脚勿灸設盡灸之不惟  
火氣壅聚彼毒無所走散反攻入裏也倘辯認  
不明以白芷三分 漢椒 桑白皮各一錢  
連根葱白十根 新水煎入酸醋半盞淋洗以  
頃其筋自見可以辯認頭尾

萬病解毒丸 癰疽發背魚脰毒瘡藥毒草毒桃

生蛇毒獸毒諸惡瘡病 五倍子錢五 山荳根

山慈姑一兩 全蝎錢五 紅牙大戟錢七 射香錢一

續隨子取仁去油取霜各半兩 硃砂 雄黃各二錢



右件先以前五味入木臼搗羅為細末次研後  
四味夾和糯米糊丸分作三十五丸端午七夕  
重陽鵬日淨室修令每服一丸生姜蜜水磨下  
井水浸研敷患處解毒收瘡救病神妙殊砂雄  
黃乃瘍醫五毒攻乃瘍中物也

加味八味丸 降心火生腎水治諸渴疾癰疽未

發前已癢後渴症通用 熟地黄焙二兩 山藥微

山茱萸蒸取肉焙各一兩 辣桂去粗皮五錢 澤瀉葶作塊酒

甌內蒸五 牡丹皮焙 白茯苓各八錢 五味子慢火焙乾

研兩 右為細末煉蜜候冷和丸如梧桐子大每  
服三十九丸空心鹽湯下

神仙太乙膏 治癰疽及一切惡瘡軟癰不問年

月深淺已未成膿並宜治之蛇虎傷蜈蚣犬咬

傷湯火刀斧所傷皆可內服外貼如發背先以

溫水洗瘡淨軟綿拭乾却用緋帛攤膏藥貼瘡

即用冷水下血氣不通溫酒送下赤白帶下當

歸酒下咳嗽及喉閉纏喉風並用新綿裹膏藥

置口中含化一切風赤眼用膏捏作小餅貼太



陽穴後服以山梔子湯送下打撲傷損外貼內  
服橘皮湯腰膝痛者患處貼之內服鹽湯送下  
唾血者桑白皮湯下諸痛先以鹽湯洗淨諸血  
量大小以紙攤貼每服一九如櫻桃大蛤粉為  
衣其膏可收十年不壞愈久愈烈一方久遠癩  
癧同上癩瘡鹽湯洗淨貼酒下一九婦人血脉  
不通甘草湯下一切瘡癩并腫痛及疥癩別煉  
油少許和膏塗之 玄參 白芷 當歸  
赤芍藥 肉桂 去粗皮 大黃 生地黃 各一兩

右剉碎用麻油二斤浸春五夏三秋七冬十火  
熬黑色瀝去渣入黃丹一斤青柳枝不住手撓  
候滴水中成珠不粘手為度傾入磁器中以磚  
蓋口掘子窖埋阴樹下以土覆三日出火毒欲  
服丸如鷄頭子大

神異膏 治發背癰疽諸般惡瘡癩其効如神治  
疽疾先以麥飯石膏塗敷俟其瘡根脚漸收放  
徑寸大脚用神異膏貼之收口此藥隨其人病  
深淺取効合時不可與婦人鷄犬猫厭穢物見



之

玄參

半兩

杏仁

去皮尖切一兩

露蜂房

淨炒一兩用有蜂兒

者為妙

男子亂髮

洗淨焙乾五錢

綿黃芪

三分全蛇退

洗焙水

錢五

黃丹

飛細五兩

右用真麻油

一斤用髮入銀

銚中文武火熬候髮焦鎔

以杏仁投入候變

黑色用好綿瀝去渣再將所熬清油入銚內然後入玄參黃芪慢火熬一二時取出銚子安冷爐上半時久火力稍息旋入露蜂房蛇退二味將柳枝急撓却移銚放火上不住手撓慢火熬至紫黃色用綿瀝過復入清油在銚內乘冷投

黃丹急撓片時又移銚于火上以文武火慢火

熬不住手柳枝撓千餘轉候藥油變黑色滴水

中凝結成珠則是膏成就若珠子稀再熬少時

必候其得所然後磁器內收封待用或恐偶然

火熬太過稍硬難用却少將鴈熬麻油在內以

磁器盛封蓋於甌上蒸乘熱撓調收用膏藥熬

成了須連甌盛磁器置淨水中出火毒一晝夜

歇三日方可用日換二次夜換一次熬此膏藥

極難於火候須耐看火緊慢火猛則藥中火發



不特失藥性又傷人面目救助不及千萬謹戒  
膏藥方甚多不下數十治疽之神無出此方千  
金不換杖瘡尤妙


萬金膏

治癰疽發背諸般瘡癤從高墜墮打撲

傷損脚膝生瘡遠年癰瘡痔漏一切惡瘡又云  
專治發背神妙不可具言或初覓若做瘡用牛  
皮膠令稀稠得所如藥化攤在毛頭上於初覓  
處或有做瘡處貼次用軟布帕子二條於醃米  
醋內煮令熱漉出互相於熬紙上乘熱蒸熨不

可令布帕冷布帕二條不可都齊漉出當留一  
條于醋內煮候蒸熨得一條冷時却取醋內煮  
者熨之俟冷却又於醋內取熱布蒸熨度幾常  
得熱布替換即易見効若瘡痒乃是藥攻其病  
須忍痒不止直候膿出將尽即濃煎貫衆湯候  
溫洗去膠紙次日依前更洗若上有膿又如前  
法蒸熨雖連數日蒸熨不妨但要瘡中膿尽瘡  
乾為度然後用生肌紅玉散搽在瘡上即以萬  
金膏貼每日一上或兩上每用再蒸熨並如前





先鋪膠帨于瘡上了亦如前用貫衆湯洗入膠

紙 龍骨 鱉甲 玄參 黃栢 草烏

黃連 烏賊魚骨 黃芩 白芨 白欬

猪牙皂角 木别子 當歸 白芷 川芎

厚朴去粗皮 槐枝 柳枝各四寸長 乳香另研

沒藥另研各半兩 黃丹水飛淨沙過 清麻油四斤入煎

赤色去粗秤 右除乳沒丹外餘藥入油內慢火

煎候白帨焦色去粗入黃丹一半不住手攪令

微黑色更入黃丹仍攪待滴入水中成珠不粘

手為度撓溫下乳沒末撓勻磁器盛用時量瘡  
大小攤紙貼之治諸惡瘡加自然銅肉桂各一  
分一方無當歸

磨風膏 治頭面五發瘡腫疥癬等疾及湯泡傷

磨風止痛戒癩痕 白附子 白芍藥 白茯苓

苓零令香 白芨 白欬 白芷 白檀

藿香 升麻 細辛 黃芪 甘草 杏仁去

尖各一兩 腦子 括萎根一兩 大栝萎二兩 黃臘

芝麻油 右前十四味剉油內浸百日於臈日



木火炭上銀石器內煎至白芷微黃色離火入  
括萎二味煮內煮百沸重綿濾去粗再慢火上  
煉油香下削淨黃腦熔開為度傾在磁器內收  
貯上搽腦子密封旋用磨風塗之

金絲萬應膏

治癩撲傷損手足有背并寒濕脚

氣疼痛不可忍小兒脚疔瀉痢咳嗽不肯服藥  
者 瀝清二斤 威靈仙二斤 草麻子二百枚 黃腦二斤

木別子二十八枚 沒藥 乳香各一斤

麻油夏二兩春秋各四兩

右先將瀝清同威靈仙下鍋熬化以槐柳枝攪  
候焦黃色重綿濾過以瀝清入水盆候冷成塊  
取出秤二斤淨再下鍋熔開下麻油黃腦草麻  
子泥不住手槐柳枝攪勻須慢火滴入水中不  
粘手扯拔如金絲狀方可如硬旋再加油少許  
如軟加瀝清試得如法却下乳香沒藥末起鍋  
在炭火上再用槐柳枝攪數百次又以粗布漉  
下水盆內扯拔如金絲頻換水却用小銚盛頓  
如落馬墜車被傷疼痛處穴上炙熱貼透骨肉

為驗連換熱水數次浴之則熱血聚處自消小

兒脾疳瀉痢貼肚上咳嗽貼背心上

洗藥神硝散 專治癰疽潰爛臭穢 朴硝兩一

蛇床子研破右二末和勻每用三錢水一碗煎

三五沸通手洗瘡上用後藥搽之

聖効散 收斂瘡口 黃栢皮一兩去粗 穿山甲兩一

炒黃 檳榔 木香各半兩 右為末每用少許

候大膿出尽洗淨方可乾搽瘡上

阿膠飲 一切癰疽癰毒 牛膠剉成珠 粉草剉

橘紅錢五 分三帖水煎服

家藏神驗血竭膏 當歸酒洗 白芷 大黃 黃連

黃栢 木別子去壳 皂角 杏仁 露蜂房各一兩

乳香 沒藥 血竭各三兩 血余一兩 飛丹一兩

麻油斤二 右除乳沒血竭餘藥入油熬焦去渣熬

至滴水成珠下冊將柳樹棍不住手撓軟硬適

中入乳香等撓勻即成膏矣 薛立齋云血竭

取其以毒攻毒也若惡癢已去毒氣既消宜用

神効當歸膏以其生肌續筋也



李氏云癰疽不服內托散及失宣通內毒以致咽  
喉口舌生瘡甚則生紅黑菌宮人甚速當用琥  
珀犀角膏治之向有患此症者諸法不效與此  
藥一日而安

琥珀犀角膏

真琥珀

犀角

辰砂

茯苓

冰片

二分

人參

三錢

酸棗

炒二錢

右為末煉蜜丸

彈子大每服一九麥門冬湯化下

李氏云癰疽不服托裏之藥熱毒內攻喉舌生瘡  
甚至黑爛當服犀角散以解其毒

犀角屑

玄參

升麻

黃芪

赤芍

麥門冬

心去

粉草

當歸

各一兩

大黃

微炒

右為粗末每服三錢水煎

薛氏云前方破血降火內疎之劑也若其脉沉寒  
大便秘結發熱作渴喜飲冷者屬熱蓄於內方  
可用之若其脉虛浮大便不結發熱作渴畏飲  
冷者乃屬血虛於外可用當歸補血湯若尺脉  
洪數而無力發熱作渴小便頻數者屬腎水不  
足虛火上炎宜用加減八味丸蓋此症多因腎

水虧虛火上炎故也

內托黃耆丸 治針砭所傷惡寒發熱膿水不止

肌肉不生瘡口不斂 黃耆兩 川歸酒洗三兩

肉桂心 木香 沉香 乳香各一兩 薏苡末四兩

右為末以姜汁打薏苡末糊為丸白湯吞

薛氏云若肌肉傷而瘡口不斂用六君子湯以補

脾胃 若氣虛惡寒而瘡口不斂用補中益氣

湯以補脾肺若血虛發熱而瘡口不斂用四物

參朮以滋肝脾 若膿多而瘡口不斂用八珍

湯或十全大補湯以養血氣經云脾王肌肉如

前藥未應但用四君歸耆以補脾胃更不應乃

下元陽虛急用八味丸以壯火生土若脉數發

渴者難治此真氣虛而邪氣實也

李氏云近有數人病背疽或先寒後熱先熱後寒

或連日或間日必嘔痰大汗而止皆用柴胡恒

山不應乃脾氣不正復感寒邪痰盛而作遂先

用不換金正氣散次用排膿肉補散木香湯三

日而愈 若外邪既去而仍嘔不止宜用六君



子湯以補脾胃○大凡胃氣虛而作嘔者必喜  
溫熱毒內攻而作嘔者必喜冷治當辯之  
家傳不換金正氣散 治感冒風寒或傷生冷或  
瘴癘或疫癘 蒼木米泔浸 炒四兩 厚朴姜汁拌 炒四兩  
炙粉草二兩 橘紅三兩 藿香葉 半夏姜剉 二兩 木香濕焙 二兩  
人參 白茯苓各一兩 右每服五錢加姜棗水煎服  
凡疽愈後忽發渴而不救者十有八九或先渴而  
患疽者尤為難治急用加減八味丸可免前患  
如能久服永不作渴亦無疽症且氣血皆壯有

神劑也

薛氏云前症屬腎水枯涸虛火上炎口乾作渴飲  
水無度或舌黃作裂小便頻數或痰氣上壅煩  
躁不寧或二三年先作渴飲水或口舌生瘡兩  
足發熱多痰或瘡愈三年而口乾作渴小便頻  
數急用前藥多有復生者能逆知其因預服前  
丸可免此患若兼手足厥冷真陽虛也宜服八  
味丸大凡瘡後審其腎水不足用加減八味丸  
中氣虛弱用補中益氣湯氣血虛弱用十全大



補湯陽氣虛寒加姜桂如不應八味丸

加減八味丸

熟地黄八兩 乾山藥

山茱萸去核

五味子

炒各四兩

肉桂一兩

牡丹皮

白茯苓

各三兩

澤瀉

切片蒸五

右煉蜜為丸梧子大每服八十

丸五更未言語前白湯下

黃耆六一散

黃耆六兩

粉草

半生半炙一兩

右為末每服二錢空心日午白湯調下不應作

大劑水煎服

薛氏云忍冬丸解熱毒消渴之藥也六一湯補氣

虛作渴之藥用之無有不驗

五味子湯

腎水枯涸口燥舌乾

五味子

麥門冬

各一兩

黃耆

炒三兩

人參

二兩

炙甘草

五錢

右每服五錢水煎服

此方乃滋其化元之劑設腎水既涸虛火上炎燥渴須佐以加減八味丸

李氏云疽疾將安每日常服十全大補湯以補氣

血宜與排膿內補十宣散相間服

薛氏云潰瘍屬氣血俱虛補之固當若患腫瘍而



氣血虛弱者尤宜預補否則潰而不斂凡大病之後氣血未復多致再發若不調補必變為他症而危或誤以為瘡毒復發反行攻伐速其斃也深可戒諸

神効托裏散 治一切癰疽發背腸癰

黃芪鹽水 忍冬葉 當歸各五錢 粉草二錢

右酒煎服渣敷患處 此乃托裏消毒之良劑也

神効瓜蒌散 治乳癰癰癰與立効散相間服

黃瓜蒌一枚 當歸尾 甘草節五錢 沒藥另研

右用酒三碗煎一碗分三次服未成即消已成

即潰

立効散 治癰疽癰癰 皂角刺半斤 粉草二兩

乳香 沒藥另末各二兩 黃瓜蒌五個連皮研碎

右每服一兩好酒煎服

薛氏云二方治癰疽癰癰解毒止痛通用之良劑也若癰癰寒熱癰痛腫赤乃肝經氣病當清肝火以養肝血若寒熱既止而核不消乃肝經之血亦病也當養肝血以清肝火若初如荳粒着



於筋肉色不變內熱口乾精神倦怠久不消潰  
乃脾肝虧損當健脾土培肝木外臺秘要云肝  
腎虛熱則生癰矣病机云癰癰不係膏粱丹毒  
因虛勞氣鬱所致補形氣調經脉其瘡自消若  
誤下之必先犯病禁經禁矣

綠雲散

治五發毒瘡於背腦或手足

此方治金

有神

鳳尾草

形如鳳尾葉背有金星灸乾一兩

粉草

錢一

用酒一碗煎三五沸入冷酒一碗飲之以醉為  
度立効

清涼膏

治一切瘡瘍膿去後用之

當歸

白芷

白芨

木別子

黃栢

乳香

白欵

白膠

各五錢

黃丹

淨五兩

麻油

十二兩

右入油煎黑去粗入黃丹以槐柳枝不住手順  
攪再煎成膏乃下乳香等藥

碧油膏

止痛排膿多後用此

菴枝

柳枝

紫枝

槐枝

乳香

血竭

各五錢

黃丹

淨四兩

右用麻油十兩照常法煎成膏入乳香等任貼  
神効酒煎散 治一切瘡瘍其効如神 人參



沒藥 當歸尾各一兩 甘草 括萎一枚半  
右以酒三碗煎二碗分四服粗焙乾加當歸尾  
一兩酒糊丸桐子大每服五十丸以酒下

消毒活血

經驗方 治金石發癰 黑鉛一斤 甘草三斤

右用酒一斗置磁器內先以甘草置在一邊另  
將鉛熔投酒一邊取鉛再熔仍投九度取酒飲  
醉寢即愈

治癰疽用生甘草為末酒調二錢服連進數服自

消 前方乃清熱消毒之劑若因膏梁積熱至  
石蓄毒血氣壅滯者最宜如脾胃虛血氣痞滯  
者不宜槩用恐胃寒故也

升麻湯 肺癰胸乳間作痛嘔吐膿血腥穢

升麻 苦梗 以仁 地榆 黃芩 赤芍

丹皮 甘草 各等分水煎服

穀道前後生癰謂之懸癰 粉草一兩截斷以潤  
水浸潤炙令透內細剉無灰酒煎服有人患此  
已破服兩劑瘡即愈



崔氏云治手足甲疽或回修甲傷肉或回損足成瘡潰爛上脚用汞凡置鉄板上煨色赤如金者為真沸定取出研末以鹽湯洗搽之

薛氏云前症即脫疽也此方固有良驗尤當調元氣為善大抵此症先醇酒炙燻膏梁厚味傷脾或房勞虧損腎水故有先渴而後患有先患而後渴者若色赤作痛自潰可治色黑不潰不治色赤作痛者先用隔蒜灸活命飲托裏散再用十全大補湯加減八味丸色黯不痛者隔蒜灸

業枝灸亦用十全大補湯加減八味丸則毒氣不致上侵元氣不致虧損庶可保生亦有回修手足口咬等傷者若元氣怯弱或犯勞事外塗寒涼內服剋伐損傷脾胃患處不潰色黯上延亦多致死重者須解去當以脚力轉解周髀輕搜使筋隨骨出而毒得洩否則毒筋內斷仍上潰雖云無益且偏僻之處氣血罕到藥難導達况攻毒之劑先傷脾胃反損元氣不若灸法為良重者須解毒為善故孫真人云在肉則刺在



指則截雖親之遺軀不忍毀傷然不如是則勢必至于天歿非体親之心也况患處已壞雖解不痛又何憚而不為乎女子亦有此患多因鬱怒虧損肝脾所致治法與前同

疔瘡

多生四肢發黃疔中或紫黑也  
疔瘡也老疔后痛先寒后熱也

夫疔瘡者皆臟腑積受熱毒邪氣相搏於經絡之間以致血凝滯注于毛孔手足頭面各隨五臟部分而發也其形如粟米或疹或痒以致遍身麻木頭眩寒熱時生嘔逆甚則四肢沉重心驚

眼花蓋疔腫初發時突起如疔蓋故謂之疔含蓄毒氣突出寸許痛痒異常一二日間害人甚速是尤在癰疽之上也內經以白疔發于右鼻赤疔發於舌根黃疔發于口唇黑疔發于耳前青疔發於目下蓋取五色之應五臟各有所屬部位而已然或肩或腰或足發無定處如在手足頭面及骨節間者最急其餘猶可緩也凡疔瘡皆宜刺瘡中心至痛處又刺四邊十餘刺令惡血出乃敷藥力方得入于針孔中則佳若



不刺破藥力不能入又看口中頰邊舌上有赤  
黑如珠子者是也諸疔名目雖多其治法畧同  
初起宜以針刺出毒血將蟾酥丸或迴疔錠子  
之類從針孔維入之上用膏藥貼之仍服飛龍  
奪命丹發汗及五香連翹漏芦湯之類并清心  
之劑蓋諸瘡皆屬心火心清則毒氣消散而易  
愈矣

追毒丹 取黃去疔頭追膿毒立効

蟾酥

用酒化

蜈蚣

酒炙

礞砂

白丁香

各一錢無心米加巴豆

雄黃

錢二

輕粉

錢一

硃砂

錢二

巴豆

七粒

去油

右為末用酒打糊為丸麥子大兩頭尖入於針  
破口內用水沉膏貼之後用膏藥及生肌藥追  
出膿血毒物又有如黑陷漏瘡者四圍死敗肉  
不去不生肌者不可治也亦用此藥追毒去死  
肌敗肉生新肉愈矣小者用一粒大者加用之  
病輕者不必用針只以手指甲爬動於瘡頂上  
安此藥水沉膏貼之其瘡即時紅腫為度去其  
敗肉為妙用之神驗



水沉膏 將白芨末放在盞內用水沉下去用帛貼之如用膏不可用生肌藥 凡用粘点之藥用此膏圍貼則不傷好肉

追疔奪命丹 能立取效驗使腫內消

羌活 獨活 青皮君 防風君 黃連 赤芍

細辛 甘草節 蟬退 姜蚕 金線重樓

澤蘭 金銀花各等分

有膿加 何首烏 白芷 要通利加 青木香

大黃 梔子 牽牛 毒在下加 木瓜各等分

右每服五錢先將一貼加澤蘭金銀花各一兩生薑十片同藥搗爛好酒釀之熱服不善酒者水煎仍以酒水各一盞半生薑十片煎至熱服之汗出為度病退再加大黃二錢煎熱取利一兩次去餘毒為妙

此方以藥味視之甚若不切然効速如神方不失一百發百中如有別証再出宜隨加減治之若心煩嘔吐加 甘草節錢一 藜蘆粉錢一 酸漿水下 嘔逆惡心加乳香荳粉甘草湯下



飛龍奪命丹

治疔瘡發背腦疽乳癰附骨疽一

切無頭腫毒惡瘡服之便有頭不痛者服之便  
痛已成者服之立愈此乃惡症藥中至寶病危  
者服之立安萬無失一係神人之秘方不可輕

忽 血竭

錢一

蟾酥

錢二 化

乳香

沒藥

銅飛

硃砂

錢二 為衣各

雄黃

錢三

輕粉

分五

膽礬

寒水石

錢各一

射香

冰片

分各五

海羊

即牛

蜈蚣

去頭足

酒炙

右為末先將海羊連壳研如泥

和前藥為丸蒸莖大或加酒打麵糊每服二丸

先用葱白三寸爛嚼吐于手心男左女右將藥

包在葱內無灰酒三四盞送下避風處被蓋出

汗約人行五里許再以熱酒數盃催之以汗出

為度


服前藥二丸即消如汗不出重者再服二丸汗出

即効三五日重者再進二丸即愈 如疔走黃

過心者難治汗出冷者亦死 如病人不能嚼

葱搗碎裹藥以熱酒吞下 服此藥後忌服冷

水冷物黃瓜茄子猪魚鷄鴨羊濕麵一切發毒



動風之物不可食之及月婦狐臭人見之此藥

活人萬誠外科匙鑰

拔黃藥 用真取蟾酥飛羅麵為丸梧子大可將

一九放在面前舌下即時黃出

百二散又名護心散 治發疔煩躁手足不住發狂者

急宜服之方在癰疽門

蟾酥膏 治疔 新蟾酥以白麵黃丹搜作劑圓

如麥顆大用指甲爬動瘡上插入重者針破瘡

頭用一粒內之仍以水沉膏貼

回瘡錠子 治疔瘡大妙 草烏頭一兩 蟾酥

巴豆七箇 去皮 射香一字 右為細末麵糊和就捏作

錠子如有惡瘡透疔不痛無血者用針深刺至

痛處有血出以此推之上用膏貼疔瘡四畔推

之其疔二三日自然拔出此藥最宜緊用此

証大抵與傷寒頗類其中亦有可針鎌砭射出

血者亦有久而敗爛出膿者其間變異百端不

可不慎也

內托連翹散 疔瘡出時皮色不變不疼痛按揉



不動身發寒熱便是此瘡有水疔魚臍疔紫燕  
疔火疔諸般疔瘡如瘡黃于黃上用針刺仍服  
內托散自然消散 連翹 生地 白芷  
赤芍 各一兩 大黃 去頂 薄芎 各七錢 朴硝 二兩  
黃芩 五錢 甘草 半兩 每服一兩灯心竹葉各  
十莖水煎服其人喘加人參少許大病只三四  
服愈如服下心煩嘔者以護心散止之  
護心散 甘草 五錢 藜蘆粉 一兩 為末分作二次  
酸養水下

破棺丹 治疔走黃不止 川芎 赤芍藥

山梔仁 牽牛 各二兩 連翹 牡蛎 金銀花

紫花地丁 各一兩半 京三稜 甘草 各二兩 大黃 三兩

右為末煉蜜丸彈子大每服一九童便化開服  
忌飲酒及生冷

治疔走了黃打滾將死者 牡蛎 大黃 木通

山梔子 金銀花 連翹 牛旁子 地骨皮

乳香 沒藥 枯蘘 皂角刺 每服五錢壯

實者加朴硝用水一盞酒半盞煎服 此乃救





命仙方也

鐵粉散 治冷疔瘡經久不効用此大妙

多年生鐵三錢炒過錢松脂錢黃丹 輕粉各五分

射香分 右為細末清油調塗瘡口立効

走馬赴蓮丹 治疔瘡 沒藥 乳香 蓬砂

礪砂 雄黃 輕粉各三錢冰片分 射香分

右為細末蟾酥汁和為丸黃米大每服一九溫

酒送下立効

金砂散 取疔瘡 道人頭微炒一兩礪砂三錢

雄黃錢 蟾酥為妙 右將瘡四圍刺破以少

油調藥末置於瘡內緋帛封之數日疔自出

蒼耳散 治一切疔腫神効

蒼耳草根莖苗子但取一色便可用燒存性研

細末用好米醋米泔澄淀和如坭隨瘡大小塗

上厚二分乾即易之不過十度即拔根出須針

破塗之加雄黃尤妙

蒼耳與白蝨研爛貼疔上拔去根 毒氣入腹嘔

吐者搗蒼耳汁飲之立効



治疗最有効用蟬退僵蚕為末醋調塗四圍疔瘡

口俟根出稍長然後拔去再用藥塗 海藏方  
單用姜蚕為末津調塗亦佳

治疗危篤者二服即愈輕者一服立効

土蜂房一巢全此物 蛇蛻一條 用瓦器盛

鹽坭固濟火煨存性研為細末每服一錢空心

好酒調下少頃腹中大痛止其瘡已化黃水

矣仍服后方

五聖散 大黃一兩 生姜 皂角刺 金銀花各三兩

瓜蒌一枝 甘草一兩 用好酒二升煎八分不拘

時服

治疗瘡最驗 蒼耳 臭牡丹 各一大握搗爛

新汲水調服瀉下黑水即愈 單用蒼耳葉搗

汁和童便服一日三次立効

肘後方 疔腫垂死者一服立効 菊花葉紫莖

一握搗取汁一升入口即活此神驗根莖葉花皆可用

蒼耳散 治疗瘡累用神効 蒼耳根三兩

烏梅五箇帶鬚葱三根用酒二鍾煎至一鍾熱



服出汗後不散然後用勝金散

勝金散 取鐵秀炒為末每服四錢或三五六錢  
用齋水滾過停冷調服不吐為佳

反花瘡

瘡有努肉心  
出者是也

聖惠方治諸瘡努肉如蛇頭出數寸者硫黃末敷  
之即縮

肘後方 治瘡有肉突出烏蝨燒灰敷立消

又方 白蝨肉杵細入蜜捏成餅貼之妙

又方 馬齒莧燒灰研末猪脂調敷

瘡突出寸許根如小莖或大如梅者用花腳蜘蛛  
絲纏其根則漸乾而自脫落

又方 甘草

半生  
半炒

枯凡 人中白 罌佗僧

右為細末以童便半盞用無灰酒和熬竹篾攪  
成膏塗瘡上日三五次

經驗方

胭脂丕

貝母

各三錢

胡粉

二錢

白硼砂

沒藥

各二錢


為末先用溫漿水洗後服藥

雜瘡

諸惡瘡入心腹嘔逆藥食不下

藜蘆粉

兩半



乾胭脂

錢三

定粉

錢二

為細末新水調下効

天泡瘡通聖散及疔疔疔畧炒蜜調敷妙若從肚

皮起者裏熱發外速服通聖散

天行斑瘡須臾遍身皆戴白漿此惡毒氣永徽四

年此瘡自西域東流於海內但煮葵菜葉以蒜

齏啖之即止

人面瘡昔有人左膊有瘡如面歷試諸方惟後

以貝母為末水調灌之數日乃結痂遂愈

足指内生鷄眼子用鷄胃中食指之餘者以石

歷之立驗

天泡瘡小麥炒焦為末以生桐油調敷効若神速

治一切瘡疥神異膏

全虫

去尾洗七枚

蛇床子

取末三錢

皂角

錢一

巴豆

去壳七粒

麻油

兩

黃膈

兩

雄黃

另研

末三錢輕粉

另研五分

右先用全蝎皂角巴豆煎油

黑色去粗入蠟化開取出俟冷入雄黃輕粉蛇

床子末攪勻成膏每用少許搽瘡上須先以苦

參湯洗過絕妙

苦參湯

苦參

蛇床子

白礬

荊芥



各等分煎湯溫洗

治漏瘡不收口 五倍子末 血竭末填塞之効

治一切瘡癩花散 葵花 梔子 黃連 黃栢

各等分 為末冷水調貼痛處

百合散 治頤頰瘡一名獨骨瘡 百合 黃栢

各一兩 白芨二錢 草麻子五十粒 為末朴硝水和餅

貼目三五次

面上耳邊生浸淫瘡久不愈出黃水名香辨瘡

殺羊鬚 荆芥 乾棗去核各二錢

俱燒存性研末入臙粉半錢每用少許清油調搽先以溫湯淨洗拭乾塗藥二三次効

亦治大人小兒兩脰生瘡

附子散 治冷瘡日夜發歇疼痛 附子半兩炮去皮臙


川椒去日 雄黃研末各二錢半 枯凡七錢半

右為末麻油調敷瘡上日二次

白蒺藜散 熱毒瘡癩痒心神壅躁 白蘚皮

白蒺藜炒去刺 防風去 川大黃炒 赤芍藥

梔子 麥冬 條芩 玄參 桔梗 前胡



炙甘草

各一兩

為末每服二錢食後薄苛湯調服

七寶散

熱汗浸漬成瘡痒痛不止

黃耆

川芎

防風

荆芥穗

地骨皮

木通

各二兩明礬

每用一兩水煎五六沸去

粗稍執漂淋患處拭乾避風

東垣此方曾治

推車客皮膚皴裂不仁痛兩手不能執轆足不

能履地回製此藥與之即効明日遂行自是屢

用屢効

玉女英

治瘡痒痛

滑石

五分

葶藶粉

微炒

右末之用綿包撲上妙 一方加棗葉一兩

連翹飲

治諸惡瘡紅赤痛痒心煩口乾及婦人

血風赤斑圓點開爛成瘡痒痛流黃水

連翹

生地

川芎

括萎根

荆芥

黃芩

赤芍

麥冬

瞿麥

木通

大力子

炒

防風

山梔

川芎

甘草

各等分

每服五六錢水煎

加灯心二十莖不拘時服

紫花地丁散

諸惡毒瘡腫痛如神

川芎

紫花地丁

大黃

赤芍藥

金銀花



黃耆

各半兩

甘草根

二錢

每服一兩水酒各一碗

煎服

水銀膏

月蝕瘡多在兩耳及竅邊隨月盈虛

水銀

二錢

黃連末

胡粉

松脂

各半兩

猪脂

四兩

右先熬猪脂令沸入松脂諸藥及水銀攪令勻磁器收先以鹽湯洗淨塗上日三五度

治甲疽瘡疔毒散

綠礬

燒赤五錢

盧會

一錢半

射香二分俱為末以絹袋盛包患指扎定以差為度

漆瘡 生鱗取黃塗之効

又方 湯浸茫硝冷洗之効 明礬湯洗亦妙

又方 生紫蘇擦之累効 又人乳汁敷之好

又方 乾荷葉一斤水一斗煮濃汁洗瘡上日三瘡

又方 無名異末水調服

代指 手指甲頭腫痛

烏梅肉并仁 研爛醋調稀入指浸之愈

升麻和氣飲 治瘡腫癩疥痒痛

升麻

桔梗

蒼朮

乾葛

甘草

大黃

煨

陳皮

當歸

半夏

茯苓

白芷

乾姜



只壳各五分 白芍一錢 右作一服水煎服

當歸飲子 治瘡痒疥癬湿毒風燥

當歸 川芎 防風 白芍 生地 蒺藜

荆芥各一錢半 何首烏 黄蓍 甘草各一錢 右作

一帖水煎食遠服為末亦可

除濕散 大治一切風毒疥癬癩痒狀如癩風

苦參 何首烏 荆芥穗 蔓荊子 薄荷各一兩

白芷 烏蛇酒浸一宿結乾 天麻 川芎 防風各半兩

右為末每服三錢酒調下日進三次六日一浴

令汗出血氣宜通一月膚澤如故

一掃散 一切瘡疥但相對而生者便是不問乾

濕痒痛日近年深用之立効

藜芦皮二兩 雄黄五錢 輕粉十帖 蚌粉

水粉各一兩 為末用大鯽魚一對入麻油煎熟

去魚攤冷調藥搽瘡 若効遲加信末少許研

杏仁十粒近陰處勿加

消毒飲丹溪云消毒散氣表藥也 防風一兩 甘草二兩

荆芥穗三兩 大力子四兩 每服五錢水煎服





治皮膚風熱適身生癢疹 大力子 浮萍等分

為末薄苛湯調下二錢日再

東垣云 每風瘡大風病相似好葉洗蒸一宿  
日乾為末白湯調服二錢

姜蚕散 治風遍身癢疼痛成瘡

白姜蚕

洗焙

為末每服一錢酒調服一日三

次立瘥

衍義方 有人病遍身風熱細疹痒痛不可任連  
腦脛臍腹及近陰處皆然涎痰多夜不得卧

苦參末一兩皂角二兩水一大升揉取汁銀石  
器熬成膏和苦參為丸如梧桐子大每服二十  
丸溫水吞次日便愈

小兒面瘡通面爛無完膚膿水流漓百藥不効陳  
年臍猪脂不入鹽者敷之若神

治諸般瘡疥加減法 腫多加白芷開鬱 痛多

加白芷方解石 痒多加枯凡 陰囊瘡加吳

茱萸濕多香油調 乾痒出血加大黃、連猪

脂調 虫多加蕪荑錫灰楨即藜芦斑猫 紅



色加黃丹 青色加青黛在上加通聖散 在下部多用濟川丸下之 腳腫多出血加血分 濕熱藥

膿胞瘡 治熱為主帶燥濕 黃芩 黃連

大黃 錢各三 蛇床子 寒水石 錢二 黃丹 分五

白礬 錢一 輕粉 白芷 無名異 許各少 木香 許

加痛者 為細末麻油調搽

虫瘡如癬狀退熱殺虫為主 乾疥瘡開鬱為主

加吳茱萸 蕪荑 黑狗脊 殺 樟腦 錢一

松栢 頭上多 白礬 雄黃 硫黃 水銀 殺

黃連 方解石 分 蛇床子 定痒 松皮灰 膿

及柏油調搽 濕多加之


疥癩瘡春天發焦疥開鬱為主不宜抓破

枯凡 吳茱萸 錢各三 樟腦 分五 輕粉 錢十

寒水石 半二錢 蛇床子 錢二 黃栢 大黃 錢各

硫黃 錢一 檳榔 錢一 右為末猪脂調搽

治癩疥濕瘡浸淫日久痒不可忍搔之黃水出瘡 后復發取羊蹄根去皮細切熬熟以大酢和先



洗淨傳上一時再以冷水洗之日一傳瘡若為末傳尤妙

外臺秘要治疥取羊蹄根和猪脂塗上或着鹽水許即結痂愈

千金翼 治遍身風痒生瘡疥苗陳煎濃洗立効衍義云有人患遍身生熱毒瘡痛而不痒手足尤甚至頸而止粘着衣被晚夕不得睡痛不可忍以菖蒲三斗剉日乾之為末布席上使恣卧其間仍以衣被覆之既不粘衣被又復得睡不五

七日其瘡如失應手神驗

浸淫瘡痛不可忍者發寒熱大煎末水敷瘡上乾則易之

外臺秘要 治卒發疥秘驗方 風化石灰和醋

漿水調塗隨手即瘥 一法用石灰炒紅出火氣香油調敷 千金方淋石灰汁洗之

木香散 一切惡瘡多時不斂此能生肌肉止痛

木香 檳榔 黃連各半兩 白芷三錢 為末先

洗每日一次乾搽有水出勿訝未効再搽 又



方加地骨皮先于瘡上用溫漿水洗溫拭乾上藥妙不可言槩治下疳瘡如神

洗諸瘡疥 取冬瓜藤或皮煎湯洗妙

治風癩瘡黃水瘡此方神効

用新竹筒十箇內裝黑豆一層頭髮一層數層至滿以稻糠皮火煨之於火盆內週圍同火煨竹筒內汁滴出以盞接之鵝翎蘸掃於瘡上數目即愈

神仙活命飲 治一切惡瘡癰疽腫毒

川山甲

蛤粉炒黃  
色淨六分

貝母

去心  
八分

甘草節

防風

去又芦  
五分

沒藥

分六

赤芍藥

分六

當歸尾

錢一

乳香

錢一

天花粉

分八

金銀花

陳皮

錢三

右作一服用無灰酒一大碗慢火煎

令出氣量上下食前後服如患人能飲酒者服

藥後隨意飲三兩杯為妙詩曰

真人妙訣世間稀

一切癰疽總可醫

消腫如同湯沃雪

化膿立見肉生肌

消毒散

治一切惡瘡赤腫疼痛掃之如神



黃連

五錢

地骨皮

一兩

朴硝

三兩

右為末每用三五分水一盞煎至七分去渣停冷用鷄翎掃之立効

婦人陰瘡

仲景云少陰脉滑而數者陰中即生瘡狼牙湯洗之狼牙二兩水濃煎以綿纏筋頭浸湯瀝洗陰中一日三度

治陰蝕瘡

洗榻散

甘草

一兩

乾漆

一兩

黃芩

地黄

當歸

芍藥

各二兩

龜甲

五兩

右細切以水七升煮取

一半去粗以綿帛納湯中用榻瘡處良久即易日二度每榻湯可作十里許即挹乾捻取甘濕散薄敷瘡上使徧可經半日又以湯榻之訖如前敷藥 有一婢此疾蝕處作兩瘡深半寸用此湯并浚甘濕散不經七日平復甚効

甘濕散

蚘蛇胆

青木香

硫黃

鉄精

射香

臨時加入綠射碎蛇毒若入早則蛇胆無力也

右等分為末每

取一錢井花水調日再服先令便利了即以浚



方菝枝薰下部訖然後取藥如碁子安竹管內  
入下部中日再度

菝枝薰法 取東南菝枝五七枝將枝頭輕敲碎  
綿纏之蘸硫黃末數轉令厚又截一竹筒先入  
下部中却將菝枝藥燒着入筒內薰之

仲景云蛇床子散濕陰中之主藥

蛇床子仁為末以白粉少許和勻相得如棗大  
納入戶中自然濕散

荳胚散

陰蝕瘡

荳胚粉

蝦蟆灰

各二錢半

胭脂胚

二錢

右為細末乾摻

沐浴長春散

男子下元陰濕久冷陰囊左右夜

痒抓之則喜住之則痛成瘡流水為害甚苦此

方極効 及治婦人陰濕子宮久冷

牡蛎

蛇床子

破故布

紫梢花

乾荷葉

官桂

各一分

每用一兩半水一小鍋入葱白數

莖煎八分先薰後洗却用後津調散

津調散

治妬精瘡婦人陰濕瘡膿汁淋漓臭爛


黃連

款冬花

各一分

射香

少許



為細末或先以地骨皮蛇床子煎湯洗軟帛拭  
乾津調敷之 忌生湯洗  
妬精瘡 青黛 軟冬花分 射香少  
為末先以棗白皮地骨皮煎湯洗軟帛拭乾津  
唾調末藥敷  
婦人玉戶疔瘡 及小兒走馬牙疳  
活蜘蛛一枚以生薄荷葉或乾者包蜘蛛燒存  
性為末酒調服之妙 如小兒走馬牙疳以此  
搽之効

癬

丹溪云初起發熱者防風通聖散去硝黃加浮萍  
皂角刺

羅太無何首烏散 治脾肺風毒攻腫遍身癬變  
成癰疹搔之成瘡或肩背拘急肌肉頑痺手足  
皸裂風氣上攻頭面生瘡及治紫白癩風頑麻  
風症

荊芥穗 蔓荊子 葳靈仙 何首烏  
炙甘草 防風 車前子 各等分為末每服



一錢食後溫酒調下白湯亦可

癬在頸項間后延上至耳成濕癬他治不應以芎  
會一兩甘草半兩和勻先用溫漿水洗癬拭乾  
敷之効

一方 芎會 大黃 輕粉 雄黃 蛇床子

川槿皮 搥即 為末先刮破癬醋調塗之  
乾癬積年生痂疙搔之黃水出每逢陰雨即痒用  
狼毒末塗之

栢脂膏治乾癬 栢油斤一 黃臍斤半 杏仁四十五粒

朴硝抄 右件鉄器內用瓦生姜葱白三根一

順攪五七次煎沸瀝過布膏搽之

又方 山荳根末臘猪脂三斤 之

祛濕散 多年濕癬大有神功 蠶沙四兩

薄黃抄 為末搽之或用凡油調搽

羌活膏 治頑癬疥癩風瘡心片而黃水久不瘥

羌活 獨活 明凡 蘇皮 硫黃 狼毒

各一兩 黃丹 二兩子 蛇床子各半兩 輕粉

二錢 半 為細末用酒調成膏搽之





八宝散

治風癩

松皮頑癬久不瘥神效

藿香

檳榔

破故布

大腹皮

雄黃

輕粉

硫黃

石硫

各等分為末油調搽日

三五次瘡即搽之

香疥藥

治風疥癬

瘡牛皮癬

輕粉

水銀

樟腦

大風子

九枚

川椒

杏仁

柏油

為細末疥

用絹包於瘡上熨之黃水瘡乾搽神效

一搽散

治乾癬不瘥

天南星

草烏頭

各用生者一枝

為末以羊蹄根搗

取汁調塗不過三次妙絕

牛皮癬及久年頑癬神方

紅粉霜

五分

明凡

錢一

密陀僧

錢三

川槿皮

錢一

杏仁

去皮油一錢

為末津唾調搽一日三次三日愈


脚瘡皮厚如癬或流黃水黃水延處即爛浸淫年

久不愈者

此方屢試屢驗瘡癬俱佳

紅棗二枚去核將皂礬一錢納棗中以苧蔴緊

扎用好酒二碗慢火煮成膏不要撓動膏成去



末不用以膏塗患處二三度全愈 若浸淫瘡  
初塗時畧疼少刻便止其瘡就結乾痂妙甚

### 臙瘡

夫臙瘡者皆由腎臟虛寒風邪毒氣外攻三里之  
傍灌於陰交之側風熱毒氣流注兩脚生瘡腫  
爛疼痛臭穢步履艱難此瘡生於臙骨為重以  
其骨上肉少皮薄故難愈至有多年無已口開  
爛皮爛肉現臭穢可畏治法當先取蟲然後敷  
藥如隔紙膏麝香輕粉散之類須翹足端坐勿

多行履庶可全愈矣

### 隔紙膏

治內外臙瘡 當歸 白芷 黃連

五倍子 雄黃 沒藥 海螵蛸 血竭

白芨 白歛 黃蘗 厚朴已上各五錢 黃丹

乳香二錢半研 輕粉一錢 右為細末用清油紙貼

藥敷瘡上絹帛縛定有膿水解開刮去不潔再  
貼藥如此數次即愈須先用燒鹽湯洗淨片帛  
拭乾待片時水氣乾然後貼藥

又隔紙膏 專治臙瘡如神務要用絹帛縛得着



實貼肉方好過兩日取抹淨翻貼之

滴乳

沒藥

各二錢

黃丹

炒紫色

降真香灰

各兩半

已上俱另為細末

真黃蠟

一兩

真蜂蜜

一茶匙

右將黃丹入銅鏊內炒紫色次下降香灰末撓令勻却下蜜黃蠟另熬化傾入油蜜撓令極勻然後下乳香沒藥輕粉片腦再用銅匙撓之又勻待藥稀稠得所取出磁碗收盛勿令泄氣臨用看瘡大小攤之油紙綿紙尤佳竹帛不耐藥在中紙在外翻覆貼之

治臙瘡久不愈

龍骨

二錢半

乾猪鬃

半兩

輕粉

少許

檳榔

半兩

乳香

沒藥

各一錢

右為細末先以燒鹽湯洗瘡以軟絹帛拭乾清油調敷瘡濕則摻之

秘傳隔紙膏 治年月深久臙瘡不愈者

老松香

樟腦

谷丹

炒

水龍骨

即旧缸石灰

輕粉

久不愈加

白芷

川芎

海螵蛸

總為細末溶化松香加少清油和之以油紙隨瘡大小糊袋盛藥夾之用水洗淨縛在瘡口上

二日定四日一換若單用白芷川芎蜈蚣三味煎水洗之立効

屢驗方

枯凡三

墨煤

煉存性

研勻以生桐

油做隔帛膏貼之先以五倍子川椒葱三味煎湯洗拭乾貼藥一日一換七日全愈

又方 治似臙非臙

蜂蜜

四兩

嫩松香

一分錢

先將蜜熔滴水成珠吹入松香末攪勻如上法做貼洗亦同

又方

麻油

二斤

熬至滴水成珠又將蜂蜜四兩熬

至滴水成珠將油摻入又將伏龍肝四兩為末入內攪勻成膏先將瘡洗淨以膏塗之一日一二次其効甚速

又方

冬青葉

臙猪胆

百草霜

二味和勻

將冬青葉與本人嚼爛先將瘡用椒葱湯洗淨乃以胆霜敷後却敷冬青葉三四次便愈

粉麝散

治內外癩臭爛數十年不愈者

生龜

一枚

去肉取壳醋一盃炙醋盡為度煨

令白烟尽存性以盃蓋在地上出火毒為細末



入輕粉射香拌勻臨用先以葱水洗乾敷藥妙  
絕妙絕



又方 新起未久者甚好 玉簪花葉小便浸貼  
一日一換五日愈


諸凡癰毒惡瘡多年臭爛成坑不收口者此方極

佳一七成功 乳香 沒藥各五錢 天靈蓋一兩

右為極細末摻之神灵絕清溪之子患痘後腦  
癰肉爛成坑骨露不收口百藥無功敷此立効

終






國立中央圖書館, TAIWAN, R.O.C.








國立中央圖書館, NATIONAL CENTRAL LIBRARY, TAIWAN, ROC

46




Inches 1 2 3 4 5 6 7 8  
Centimetres 1 2 3 4 5 6 7 8 9 10 11 12 13 14 15 16 17 18 19

**TIFFEN** Color Control Patches © The Tiffen Company, 2007


Blue Cyan Green Yellow Red Magenta White 3/Color Black





國立中央圖書館, NATIONAL CENTRAL LIBRARY, TAIWAN, R.O.C.

#1237 1126





亦水玄珠第三十卷目錄

便毒

楊梅瘡

杖瘡

吠咬

蛇傷

癩癰門

下疳瘡

金瘡

箭傷

砲傷

風犬咬

附馬刀



NATIONAL CENTRAL LIBRARY, TAIWAN, R.O.C.



凍瘡

馬咬

猫咬

猪咬

人咬

瘦

瘤

結核

腸癰門

胃腕癰

痔漏門

湯火門

顛撲損傷門

癘風

赤水玄珠第三十卷

新安生生子孫一奎著輯

便毒

疔瘡

楊梅瘡

夫便毒生於小腹下兩腿合縫之間其毒初發寒熱交作腿間腫起疼痛是也夫腎為作強之官所藏者精與智也男女大慾不能直遂其志故敗精搏血番聚經隧乃結為便毒矣蓋腿與小腹合縫之間精氣所出之道路也或觸景而動心或夢寐而不洩既不得偶合陰陽又不能志



情思念故精與血交滯而成腫結也初起切不可由寒涼之藥恐氣血愈滯不得宣通反成大患惟當開鬱散氣清利熱毒使精血宣暢則自然愈矣

生生子曰按前論蓋思想無窮所願不遂者設也此固一說而意猶未完果如此論當僧尼孀婦宮人曠夫多有此患然予目擊商賈中野合不潔淫妓便搆此疾或疝瘡或楊梅者亦由慾火內熾一旦交合不潔為淫火沖動膚腠開通是

以受毒初發之時慎不宜以敗毒之藥瀉之何也毒邪非虛不入若復虛胃氣則毒邪下陷治之非彌年累月不愈也捷法只宜發汗其次利小便膚腠所感之邪汗易散也陰莖腿縫皆肝經絡肝腎主下焦又肝主小便使毒邪從小便中出所治皆順也故治之不旬日便可奏功若毒已發汗利小便躰厚邪固而不得宣通者乃以破毒活血調氣之劑攻之俟毒氣宣通隨以補劑托之亦不失先後着也此予歷試良驗特



附于斯

便毒之劑

退毒散

治便毒腫結

穿山甲

醋炙  
五錢

木猪腰子

醋微炙  
三錢

為末每服二錢食前老酒

調下

次以醋煮肥皂研膏敷之妙

木猪腰子  
即木猪苓

雙解散

治便毒內蘊熱氣外挾寒邪精血交滯

腫結疼痛

桂皮

川大黃

白芍藥

澤瀉

牽牛

炒取  
頭末

桃仁

去皮炒  
各二錢

甘草

一分

分做二帖生薑五片

煎食前日二服先小便快熱從小便出後大便

利皆是稠毒

公藥方

治便毒腫痛

雄黃

乳香

各二  
兩

黃栢

一兩

為末新汲水調敷腫處自消

括篋散

治便毒等惡瘡

括篋

一箇  
去皮

牛旁子

炒

金銀花

各三  
錢

生薑

甘草

各半  
兩

右忌銅鉄器槌碎以酒一大碗煎數沸空心温

服微利為度

三物湯


治便瘻

牡蛎

大黃

山梔子

各等  
分



為末酒水一大盞煎七分空心溫服露一宿九  
四神散 治便毒初起寒熱欲成癰疽服此神効  
大黃 木鱉子 姜蚕 貝母 各二錢半  
用酒水各一鍾煎至一鍾食前熱服若得汗下  
為妙  
止痛妙絕飲 治便毒腫硬不消不潰疼痛無已  
此方一服立能止痛  
人參 錢五 大黃 錢五 酒水各一鍾煎至一鍾入  
乳香沒藥末各一錢空心食前服

曾經瀉後而痛腫如故者此胃氣已弱但當補托  
胃氣使氣血充實邪乃消釋已潰者亦以此補  
之生肉

人參 黃耆 各一錢

粉草 分五

防風 分五

柴胡

分五 當歸 錢一

赤芍 分五

桂枝 分四


白芷

棗一枚水煎服

立消散 消便毒癰腫如神 全蠍 炒

栝菔 去壳肉只用隔膜炒 等分為末空心酒調下三錢

下午再服三日全愈



消毒五聖湯 治便毒腫疼神効

五靈脂 白姜蚕 鬱金 貝母 大黃 各三

酒水各半煎服連服三帖立愈

下疳之劑

七寶棋柳散 玉莖疳瘡或漸至蝕透久不愈者

棋柳 密佗僧 雄黃 輕粉 黃連 黃柏

朴硝 各等分為末先將葱白漿水洗淨軟帛

搥乾如瘡濕乾搽如乾少油調搽

玉粉散 疳瘡痛不止 密佗僧 寒水石 煨

滑石 各半 膩粉 射香 各少 右為末油調

敷濕則乾搽

金銀花散 治下疳 金銀花 荊芥 朴硝

蛇床子 甘松 白芷 棋柳 每用五錢水

煎加葱白二根數沸盆盛先薰後洗一盞上藥

敷藥 妙方 多年墻上白環壳炒竹甕屑等分

研極細每一錢入梅花片二厘敷此藥就不痛

先以川椒芽茶飛盞煎湯入小口瓶內將玉莖

插入瓶中先熏後洗



治下疳 象皮燒灰存性如乾用油調敷瘡上  
補遺蛀幹瘡 用黑油傘紙燒灰出火毒傳于瘡  
上便結腐甚妙

治外疳陰瘡 抱鷄蛋壳 黃連 輕粉  
各等分為細末用煎過清油調敷

楊查瘡之劑

初起者宜清表之 荆芥 防風 升麻 葛根  
甘草 川芎 蟬退 當歸 柴胡 酒苓  
連翹 白蘚皮 皂角刺 各八分 猪胰子 二枚

先以土茯苓四兩煎湯浸煎前藥七日見効

又方 癩蛤蚧三隻去腸雜入雄猪肚內苧麻扎

縛水煮極爛食之蛤蚧亦所食三五次除根

又方 嫩羊七八斤一隻者 如常宰治去腸雜

以土茯苓一斤搥碎入腹中苧麻縛定水煮極

爛听食湯准茶淘飯絕妙服此後其毒皆發

出頭面俱腫五日後自消七日全愈

神應散肥皂槓燒存性五錢另研為末

荆芥 何首烏 天花粉 防風 苦參





各一  
薄荷葉五 共為末 每日用新鮮白  
土茯苓八兩雄猪肉四兩八前末藥五分 共用  
水七碗煮爛去渣其肉听食湯准茶服不過十  
日全愈再無他餘症 如善肉者可作大劑與  
之

擦藥方 極佳 水銀 明凡各一 杏仁

大黃各二 膽凡三 俱為細末用香油拌勻

擦手心脚心前後心每日擦三次不可見風擦  
至七日口中熱氣出或喉嚨作疼乃藥力到也

以浚解毒藥二帖除根 防風 荆芥穗

牛旁子 玄參 生地 連翹 黃芩 黃連

大黃三錢 白蘚皮各一 土茯苓四兩

水六碗煎三碗不拘時服

點廣瘡方 杏仁去皮取霜 真輕粉各一 雄黃


辰砂各五分 為極細末以雄猪胆汁調搽一日

三次三日愈

楊梅瘋 十年二十年筋骨風泡腫痛

土茯苓三斤 川椒二錢 甘草三錢 黑鉛一斤





青藤三錢

右以好酒入埕將藥用袋盛煮服之妙

洗楊梅瘡方

臭梧桐

野菊花

金銀花

三味煎湯入旧馬桶內熏之一日二次有痔漏

加枸杞子

楊梅瘡并楊梅風方

川歸

防風

牛膝

羌活

甘草

木瓜

金銀花

皂莢子

熟地

川芎

各一錢

土茯苓四兩水五鍾煎三鍾分三次服

加味遺糧湯

治楊梅瘡風毒及誤服輕粉癱瘓

筋骨疼痛不能動履者服此除根

防風

木瓜

木通

以仁

白蘚皮

金銀花

各五分

皂莢子

四分

如虛弱加

人參

當歸

各七分

土茯苓二兩即仙遺糧也右以水

煎空心服一日三服輕者十日可愈重者必四

十日痊

楊梅漏

猪蹄子湯

治楊梅漏

牙皂

去皮

麻黃

防風

連翹

地黃

各三分

牙硝

一分

土茯苓

雄猪前蹄一隻水三碗同藥煮熟听食湯  
亦盡喫半月全愈

又方 皂角

錢五

金銀花

錢五

土茯苓

兩四

大肥皂煨燒存性為末每用三厘前藥煎熟

調服

膏藥

猪油

熬去渣  
一兩

加香油

錢三

同熬离火稍

冷加乳香沒藥各五錢攪勻再入孩兒茶七錢  
攪勻又入冰片一分輕粉五分射香一分待冷

做膏藥貼之

十全大補湯加防風與前方相煎服之庶虛弱者

易收功也凡漏瘡膿水既多故屬不足治宜補  
卷為先

金瘡

治金瘡血不止 半夏 風化石灰 欒金

右為末摻上血即止

又方 以風化石灰韭葉嫩者同搗入臍血調和  
成餅風處陰乾為末傅之血止亦無痕若無臍  
血亦可

崔氏 療金鎗刀斧傷破血不止

風化石灰一升干葉紅石榴花半斤搗成餅如  
上法陰乾為末摻之

潔古 刀箭傷 乳香五分 沒藥三分 俱為細末  
摻之極能止血止痛

又方 生晚蚕蛾風化石灰二味搗勻成餅陰乾  
為末傳之極能止血生肌定痛

本事方 治金瘡血不止 血竭為細末摻之立  
止生肌

華佗方 治惡瘡金瘡刀斧傷

上好降真香為末傳之入水並無傷痕絕妙

鬼遺方 治金瘡腸出欲入之磁石滑石各三兩  
為細末白米飲送下方寸七日再服

杖瘡

鬼代丹 受杖不痛 無名異 乳香 沒藥

地龍去土 自然銅煨醋 木鱉子去壳

各等分煉蜜為丸彈子大溫酒化下一丸任打  
不痛

乳香散 治杖瘡神效 自然銅醋淬七次五錢 乳香



沒藥

錢各三

苗香

錢四

雷婦

錢五

為末每服五

錢溫酒調下

若受杖後腹中痛或發熱及杖瘡痛甚如火以鷄鳴散下去惡血立愈

潔古沒藥散

治杖瘡止痛極佳且令瘡不移

密佗僧

乳香

沒藥

各一兩

乾胆脂

半兩

膩粉

為細末

入盞花冰片一錢或五分燒

葱與全羊骨髓同搗研如坭攤在緋帛上貼之

妙

又方 生地黄 黃栢 童便加韭菜汁調敷

又方 不破者 以韭菜葱頭杵貼冷即易之

膏藥用紫荊皮乳香沒藥生地黄大黃黃栢之類

又方 用野苧根嫩者不拘多少洗淨同鹽搗碎

敷上神效傷重者多用鹽

杖瘡丹

此方佳妙不可言

劉寄奴末六錢馬

鞭草末四錢蜜調敷如潰者乾摻之

丹溪云

杖瘡用黃栢生地黄紫荊皮敷此皆要

藥也若血熱作痛宜涼藥去瘀血為先須下鷄



鳴散

凍瘡

張子和曰經云寒瘡流水俗呼為凍瘡或經年不愈者用野中淨土曬乾以大蒜研如坭捏作餅子如大觀錢厚量瘡大小貼之以艾火加于餅上灸之不計壯數以坭乾為度又易濕餅子灸不拘多少直灸至瘡痂竟痛痒是瘡可治也然後口含漿水洗漬用雞翎二十莖縛作刷子于瘡上刷洗淨以此洗刷不致肌肉損傷也用軟

帛拭乾以木香換即散敷之如夏月醫之更妙治凍瘡用茄根燒灰淋水洗淨再用雀兒腦髓塗之

又方 用蜜佗僧為末以煎熟桐油調敷羅太無如神散 治凍瘡皮爛不可忍

用川大黃為末新水調掃凍瘡上痛立止

張子和治女僮足有凍瘡令服舟車九瀋川散大下之遂愈人或疑之戴人云心火降則寒消何疑之有



冬月脚折皮裂行步疼痛 以温湯洗拭乾將黃  
蠟一兩融化投松香末三分攪勻每用少許安  
刀頭上融化滴入折中經宿即愈神效  
又方 五倍子為末以牛骨髓填縫內即好  
治脚指縫爛瘡 搨穢時取穢掌黃皮燒存性為  
末湿則摻之  
犬咬  
凡犬咬須以人尿洗淨以頭垢傳傷處又用熟牛  
糞塗于外

衍羨方 用杏仁爛嚼罨傷處以帛縛定立好數  
數驗過 紫蘇葉嚼碎塗之亦好

又方先以鹽水洗用草麻子去壳以井水研成膏  
貼傷處 虎骨屑敷之亦好

又方 黃荊葉罨瘡上即安

又方 煨生姜乘熱擦之尤妙

犬咬破傷風腫 人參於桑柴火上燒成灰傳之  
良愈

羅太無蟬花散 治夏月犬傷及諸般損傷蛆虫



極盛臭惡不可近者

蛇退皮一兩火燒存性

蟬蛻錢五

青黛錢五

細辛二錢半

右為細末每

服三錢酒調下如六畜損傷成瘡用酒灌下如犬咬傷用酵子和服其蛆皆化為水蠅子不敢再落其上又以寒水石末乾摻上

風犬咬

羅太無定風散 治風犬咬先口噙漿水洗淨用

綿拭乾貼藥更不再發大有神効

天南星生防風分為細末乾上再不潰膿功

難盡述

濟世方 治風犬咬用桮菹壳半箇將野人乾糞

填滿以榆皮蓋定卷於傷處再以艾於桮菹上灸之二七壯即愈永不復發 或用野人糞灸

仍拔去頂上紅髮

癩狗咬方 用斑貓七枚去頭足翅以糯米少許

於新瓦上同炒以米黃香為度去米不用以班貓研碎好酒調下能飲酒人再進一盃看傷上下服當日必有毒物從小便出如小狗狀如未



下次日再進如又不下又進之以毒物出為度  
若進至七服知毒不下亦無害矣服藥後腹中  
必不安小便莖中刺痛不必慮此毒為藥攻將  
下耳痛甚者以蕪青一匙煎甘草湯送下即止  
如無蕪青：黛亦可疾愈後急以香白芷五錢  
雄黃二錢半為末搗菜根自然汁湯酒調下去  
班猫毒以水浸漬一嚙葱白菴傷處留小竅  
出毒氣不可用油等藥塗忘犬猪羊及發風毒  
物小兒量歲數加減 班猫能治食癩狗肉致

病者治同即愈或過二三年再發治亦如前  
治癩狗所傷用班猫二十一枚去頭翅足用粳米  
一勺先將七枚入米內微火炒不令焦赤去此  
班猫換新班猫七枚入前米內炒令班猫色變  
復去之又換新班猫七枚如前法炒以米出青  
烟為度去班猫不用以米為末以冷水入清油  
少許空心調服頃又再進一服以小便利下惡  
物為度如不利再進一服利後腹肚疼痛急以  
冷水調青靛服之以解其毒否則有傷或煎黃



連水亦可不宜便食熱物或以益元散水調服  
解之尤妙

又方 取小兒胎髮炒香為末傳用野菊研細酒  
調服盡醉立効

又方 治癩犬所傷或經久溲發無藥可療者用  
之極驗 雄黃<sub>五錢</sub> 射香<sub>五分</sub>

研末勻用酒調二錢服如不肯服者則撚其鼻  
而灌之服藥後必使得睡切勿驚起任其自醒  
候利下惡物再進前藥則見効矣

風犬咬後毒發如狗叫者百方不治于化人塲中  
取頭頂骨燒末敷之立愈

風犬咬毒發如狗叫百方不應者以人骨燒末之  
水下方寸七雞煩亂者亦効

又方 治風犬咬不急治則生小狗必殺人  
雄黃 蟬蛻 等分為末調敷傷處立愈

虎傷人生葛根汁服如并洗傷處 或用白礬末  
納瘡口痛立止

馬咬 薄荷汁塗之如



猪咬 松脂熔作餅貼之 或以黃連甘草節煎

湯洗立効

箭傷

劉寄奴散 治箭傷及金瘡口用此並無疤痕右

劉寄奴為極細末摻之

又法 治箭鏃傷及金瘡傷

松樹老懸皮生為末風化灰煉紅和勻傅之收  
口止血神効

又法 治毒箭傷破欲死者 藍汁敷之如無用

靛青搽瘡口立効

又法 葉葉陰乾為末若急用焙乾亦可搽刀箭  
傷處佳

布智兒從元太祖征回回身中數矢血流滿躰太  
祖命取一牛剖其腹納之牛腹中浸熱血內移  
時遂甦

李挺從伯顏征郢州砲傷左脇矢貫於胸幾絕伯  
顏令剖水牛腹納其中良久甦 上二治出  
元史諸方書無載特揭附此



蛇傷

毒蛇沙虱所傷眼合口噤手足強直毒已入內急  
用蒼耳草研汁和酒服渣厚敷患處

又治毒蛇咬 急取癩蝦蟆搗爛敷上帛縛之

又法 治蛇蜈入口中不出 用刀急破開蛇

尾將川椒一粒入內隨即裹籠縛之須臾就出

人咬傷

治被人咬破指頭痛不可忍久則爛脫手指并手  
掌諸方書所不載 急用人尿入瓶將患指浸

在內一宿即愈 如潰爛者用蝮蛇龜壳燒灰  
敷之 若無龜以蟹壳燒灰敷亦可

癰疽門 附馬刀 癭 瘤 結核

癰疽者結聚成核初如荳粒漸成梅李累累相連  
大小無定結於頸項夾喉之間增寒壯熱強痛  
腫硬不消有風毒熱毒之異其候多緣忿怒氣  
逆憂思悒鬱所致初覺便當服散腫潰堅湯或  
五香連翹湯漏芦湯之類散之或用大黃牡蠣  
湯疎利三兩行瘡上可用十香膏之類貼之及



諸淋洗敷貼等藥治之庶得消散若不散可服  
內消丸消之或隔蒜灸之

馬刀瘡亦生於項腋之間下脇延及陰腠形如瘰  
癧而長於瘰不可認作流注治之皆肝胆怒鬱  
之所致也俱當清肝胆之火調氣開鬱以鹹軟  
之劑附之繼以養氣血流動經絡之劑收功不  
可徒務班貓等毒劑攻逐致成癆怯慎之

柴胡連翹湯 治男婦瘰癧馬刀瘡

柴胡 連翹

知母

黃芩

酒炒各

黃柏

酒炒

生地 炙甘草

中桂

大力子

瞿麥穗

錢六

川芎尾

一分

右剉如麻豈大每服三錢或五錢水二大盞煎  
至一盞去渣食後熱服

薄芎丹 解瘰癧風熱之毒自小便出毒後常須  
服此

薄芎 皂角

不蛀者  
去綠皮

連翹

蔓荊子

荊芥

京三稜

煨

何首烏

米泔浸  
各一兩

右為末好豉二兩半以米醋煎沸灑豉淹令軟



研如糊和丸桐子大每服三十九食後熱才下  
每日一服病雖愈仍常服以消餘毒

神祕散

治瘰癧

斑猫

去頭足翅翅  
炒二十八枚

荆芥穗

直姜蚕

炒去  
絲嘴

黑丑

微炒取末  
各一錢

右為細末每服一錢五更好酒調下日中當取  
下惡物如不下次日五更再進一服或更不下  
第三日五更先食秫米粥一碗次服此藥其毒  
決下如小便痛澁以葱茶解之或木通燈草煎

湯藥之

楊氏家藏方頭晚先將活石末一錢用  
米飯調服半夜時又一服至五更服神

秘散

看實或二三錢第三日仍以灯心湯調  
琥珀末一錢如小便痛用青黛一錢甘草湯調

下高

蝙蝠散

治療瘰多年不瘥

蝙蝠

筒一

右同燒作灰撒土黑荳其

骨灰化為細末濕即乾摻乾則油調敷之內服

五香連翹湯効

白卷蛇散

治九漏瘰癧發於項腋之間或痛或

不痛





白卷蛇酒浸去皮 生犀角二錢 牽牛半生半炒  
 青皮錢五 右為末每服一錢入膩粉五分五更  
 糯米飲調服已時下惡物乃瘰癧之根也更候  
 十日再服一服忌發風熱毒物已成瘡者一日  
 便見効

四聖散 瘰癧服白卷蛇散轉利後此藥調之未  
 去其根 海藻洗 石決明煨 羌活  
 瞿麥穗各半 右為細末每服二錢米湯調下  
 清水盡為度

散腫潰堅湯 治馬刀瘡結硬如石或在耳下至  
 缺盆中或至肩上或於脇下皆手足少陽經中  
 及瘰癧遍於頰或至頰車堅而不潰在足陽明  
 經中所出或二瘡已破乃流膿水並皆治之  
 時服藥斟酌病人飲食多少大便硬以意消息  
 治之

昆布 桔梗各半 廣茂微炒 京三稜酒洗  
 連翹各三錢 升麻六分 黃連 白芍 葛根各錢  
 歸尾 柴胡 甘草各五分 龍胆草酒洗炒

黃芩

酒洗一錢五分  
一半生一半炒

右每服六錢先水浸半

日煎熱服于卧處伸足在高處頭微低每噙一口作十次嚥至服畢依常安卧取藥在胸中停留也 另配半料為細末煉蜜為丸菘豈大每服一百丸或一百五十九丸就此藥送下

瞿麥飲子

治瘰癧馬刀此方須久服乃効

瞿麥穗

斤半連翹斤每服一兩水煎食後服

海藻丸 治瘰癧生於頭項上交接名蛇盤瘰癧宜

當早治之

海藻菜

白羌蚕

微炒去  
系備

右等分為細末海藻菜旋炒研篩湯泡白蚕取肉減半用所泡湯為丸如梧子大每服六七十九食後臨卧米飲送下其毒自大便泄出若与淡菜連服為妙盖淡菜生於海藻上亦治此病忌豆腐鷄羊酒麪日五六服

蜂房膏 治熱毒氣毒結成瘰癧

露蜂房

炙蛇蛻

玄參

蛇床子

黃芪

杏仁

二兩  
半乱髮

雞子  
大飛丹

黃蠟

各二  
兩

先將前五味剉細綿裹用酒少許浸一宿勿令



酒多用油半斤內杏仁亂髮煎髮消盡瀝去渣  
再煎然後下丹蠟再熬成膏傾倒於磁盆中取  
貼瘡上一日一換

楨卽散 治氣毒癰瘰心膈壅悶不下飲食

楨卽 前胡 赤茯苓 牛蒡子炒各兩 人參

只壳炒去白 沉香 防風各五錢 炙甘草二錢

每服五錢生姜一片水煎服

射干連翹湯 治癰瘰寒熱

射干 連翹 玄參 赤芍 木香 升麻

前胡 山梔仁 川芎 炙甘草各一兩 大黃兩

每服五錢水煎服氣盛加芒硝少許服之

括萎子散 治癰瘰初腫疼痛寒熱四肢不寧

括萎子 連翹 何首烏 大力子微

大黃微炒 皂角子仁 白螺壳 梔子仁

牽牛微炒 甘草生各一兩

為細末食後溫酒下二錢

內消丸 瘡腫初生及癰瘰結核熱毒鬱滯服令

內消大効





青皮 陳皮 牽牛

取頭末 薄荷葉

皂角 八兩不蛀者去粗皮槌碎水浸軟搽汁熬膏

右為末以皂角

膏和為丸 菘豆大每服三十九食後荆芥湯下

皂角煎丸 治風毒癩瘰

皂角 不蛀者三十條內十條泡黑十條解炙用十條水煎軟槌汁用 何首烏

玄參 薄荷葉 各四 右為末與前膏子同煉

蜜為丸 碗豆大每服三四十九食後白湯下

紫胡通經湯 治小兒項側有瘡堅而不潰名曰

馬刀

紫胡 歸尾 生甘草 連翹 黃芩

牛旁子 京三稜 桔梗 各一錢半 黃連 一錢

紅菴 少許 水二中煎服此方亦治癩瘰乃是攻

裡內消之劑


消腫瘡 治馬刀瘡 黃耆 栝蒌根 各一錢半

連翹 三錢 歸尾 紅菴 少許 甘草 各一錢

右分作二帖水煎服

十香膏 治五發惡瘡結核癩瘰疔瘻疽痔

沉香 射香 各一錢 木香 丁香 乳香



甘松 霍香 零陵香 安息香 白芷 各五錢

川歸 川芎 黃蓍 木通 芍藥 細辛

升麻 白欒 獨活 川椒 藿本 菖蒲

木別子 厚朴 商陸根 官桂 栝子仁

菴仁 松子仁 杏仁 各五錢 槐枝 桑枝

榔枝 松枝 各二兩 沒藥 輕粉 雄黃 硃砂

雲母石 犀角 血餘灰 枯礬 各二兩

真酥油 羊腎脂 豬脂 各二兩 飛丹 一斤

麻油 三斤 右如常法煎成膏藥以緋帛攤貼

如腸胃瘰癧可作九子如梧子大每服七九空心溫酒吞

救苦勝靈丹 治馬刀挾瘦從耳下或耳後下頭

至肩或入缺盆中者乃手足少陽經之分野


其瘰癧在於頰下或至頰車乃足陽明經之分

野受心脾之邪而作也今將二証合治之

黃蓍 一錢 護皮毛 實腠理 活血氣 真漏芦 五分

人參 三分 補肺氣 如氣短 升麻 一錢 婦身 二分

葛根 五分 此三味俱是陽明本經藥 甘草 五分 能調中和



連翹一錢此一味乃十二經家之神藥也

牡丹皮中和血生血也 白芍藥中益氣治腹痛如冬月

寒証勿用 內桂能散結聚如陰虛寒濕其

用辛熱勿用 款胡功同連翹如瘰癧

黍粘子虛不用 昆布其者用能散堅也

京三稜分 廣茂用三分此二味瘰癧堅硬甚者

獨活辛溫如瘰癧在膈上難無手足太陽症亦當 防風木陽症作痛頭強不可回頭防風

神曲炒七分食不 麥牙食一錢消

益智仁二分如唾多者胃不和也或吐沫 厚朴

姜炒一錢二分 黃栢炒三分如右有熱或脹去

大也更宜加用 右為細末湯浸蒸餅捏作餅

子晒乾搗如米粒大每服三錢白湯下如氣不

順加橘紅甚者加木香少許量病人虛實消息

之毋令藥多妨其飲食此治之大法也如止在

陽明分者去柴胡黍粘子餘皆用之如在少陽

分為馬刀挾瘦獨活漏芦升麻葛根加瞿麥三

分 如本人氣素弱其病勢來時氣盛而不短  
促不可因其平素宜作氣盛治之乃從病變治  
之權也加黃芩黃連黃柏知母防已視邪氣上  
中下擇而用之假令在上焦止用黃芩非酒洗  
在中焦加黃連如在下焦加酒製黃柏防已之  
類 如大便不通滋其邪盛者加酒製大黃利  
之 如大便燥者加棗仁泥大黃 如風結燥  
不行者加麻仁大黃以潤之 如風澁而大便  
不行者加煨皂角仁大黃秦芎利之 如昧澁

覺身亦氣澁而大便不通者加郁李仁大黃以  
除風燥 如陰寒症為寒結秘而大便不通以  
局方半硫丸或加炮附子乾姜煎冰冷服之大  
抵用藥之法不惟瘡瘍一家凡諸疾病氣素怯  
弱者當去苦寒之劑多加人參黃耆甘草之類  
以瀉火而補元氣餘皆倣此

王燭散 和血通經能使癰癤自消及治室女經  
不行頸多結核

川芎 芍藥 大黃 甘草 熟地 蒺藜



黃芩 川芎 各等分每服五錢姜三片水煎服日進一服七八日効

治癰癤未破者如神百藥不應者累効

杏樹葉

除乾為末五分

人中白

煨為末二分半

蝙蝠焙乾為末

二分半

白花蛇蛻

煨存性二分半

蜜蜂

七枚焙為末

右將杏樹葉末用清水調再入四味末藥和勻敷患處却將皮帛一張以針刺孔貼藥上如乾用清水就帛上刷之每一晝夜換藥一次如面上發熱服清涼飲子數帖自退

敗毒癰癤方神効

白膠香

海螵蛸

降真香

用中心無土乾者

右等

分為末搽患處外以濕帛揜之一夕而退

已破者

蜜蜂一枚

蛇退

七分半

蜈蚣

二條焙乾者

右用麻油四兩將前藥入油內以文武火熬成入光粉二兩用棠枝七條如筋大者急撓候冷出火氣七日方可用帛攤貼

已上二方乃鄭義門累驗者不須服藥貼此五七日便消



海藏方 治項後側少陽經中疙瘡不辨肉色不

問大小及月日又遠或有赤硬腫痛

生山藥去皮 草麻子一枚 右研勻攤貼之如神

丹溪云山藥生者能消腫硬極佳極佳

清涼餅子 生山慈姑 良姜 等分搗為餅

之能散去寒熱 或以生慈姑磨調酒服大妙

此藥大能散瘰如神

本事方 治瘰癧鼠瘻

刺蝟皮尾上炒研為末加輕粉乾敷

治頸上核塊動者 夏枯草末六錢 甘草末一錢

右和勻每服一錢至二錢茶清調下

肘後方 治頷下瘰癧如梅李大宜速消之

海藻一斤 酒一升 浸數日稍飲之

文武膏 治瘰癧

棠椹黑熟者二斗以布袋絞取汁瓦器中熬成

膏白湯化下一匙一日三服紅者晒乾為末白

湯調服

結核 獨形而小核者



劉守真云結核者火氣熱甚則鬱結堅硬如菓中核也不須潰發但熱氣散則自消

丹溪云結核或在頸項在臂在身如腫毒者乃痰注於皮裡膜外之間結聚而不散也問其平日好食何物吐下後用藥散之

結核在頸項方 直羌蚕炒 大黃酒浸 青黛

膽星各等分 右為末蜜丸噙

結核在下頰 二陳湯加連翹防風川芎酒苓蒼朮皂角刺羌蚕射香行太陰厥陰之積痰使結

核自消其捷

濟世方 治頰下結核不消經驗方

大蜘蛛不拘幾枚以好酒浸之研爛同浸酌酒去渣臨卧温熱服之

海藏 生山藥草麻子方佳方在癧門

瘦氣 氣結於項久留不去而項為脹大

丹溪曰瘦氣先須斷厚味 海藻洗一兩 黃連二兩

右為末以少許置掌上時時舌舐之津咽下如消三之二須止後服







又方 黃栢二兩 海藻一兩 不用黃連亦佳

治瘰氣結核磊、腫硬 昆布一兩 洗去鹹為末

每用一錢綿裹於好醋中浸過食之咽津藥味盡再嚙之

肘後方 治頸下卒結囊欲成瘰 海藻一斤 洗過

酒浸飲之

破結散 治五瘰極佳 麥麩四分 松蘿 半夏

貝母 海藻洗 龍胆草 海蛤 通草

昆布 枯礬各三錢 右為末酒服一錢日三忌

鯽魚猪肉五辛生菜毒物二十日愈

玉壺散 治三種瘰 海藻洗 海帶洗 昆布

雷丸各一兩 青鹽 廣茂各五錢

右為末煉蜜丸芡實大噉化

人參化瘰丹 海帶洗 海藻洗 海蛤 昆布

四味皆焙 澤瀉炒 連翹各一兩 猪靨 羊靨各一枚

右為末蜜丸芡實大臨睡噉化一二丸忌油膩

寶金散 治瘰氣無不瘥

猪羊靨十對 煖水洗去脂膜後晒乾為細末 海藻洗 海帶各三兩



丁香 木香 琥珀 研 射香 研 珍珠 研

右先將各味為細末配和勻再重羅過每服一

錢熱酒一盞調服夜睡時須垂頭而睡 若童

男女十服効 大人一日見効有孕者忌之

海帶丸 治瘦久不消 海藻 貝母 陳皮

青皮 各分 右為末煉蜜丸彈子大食後噙化

一丸大効

治瘦氣神効方 海藻 海帶 昆布 蒲黃 錢

猪鬃子 五枚 焙乾 右為末每服二錢半臨睡以酒

調服且不用枕頭三日

無擇曰瘦多着於肩項瘤則隨氣凝結此等皆年

數深遠浸大浸長堅硬不可移者名曰石瘦皮

色不変者名曰肉瘦筋脉露結者名曰筋瘦赤

脉交結者名曰血瘦隨憂愁消長者名曰氣瘦

五瘦皆不可妄决破决破則膿血崩潰多致

瘤

瘤有六骨瘤脂瘤肉瘤膿瘤血瘤粉瘤膿瘤即膠

瘤也惟粉瘤與膿瘤可决餘皆不可决潰肉瘤

尤不可治治則殺人

點瘤癩方神驗

素炭灰

束木灰

黃荊灰

桐殼灰

各二升半

蕎麥灰

炒

右以沸湯淋汁五

碗許澄清入班猫四十箇川山甲五片乳香冰片不拘多少後入煎作二碗以磁器盛之臨用時入新石灰調成膏敷瘤上乾則以清水潤之其効若神

丹溪治丹瘤

草麻子去殼研入麵一匙水調搽

之甚妙

消瘤方

用向陽槐枝於菜油灯蓋火上以槐枝

薰熱浸油熨瘤上如法熨數次其瘤自消

腸癰門

附胃脘癰

夫腸癰者乃陰陽偏勝喜怒無時伏於臟腑之中結在腸胃之內血凝氣滯回旋失度不能通行聚結成癰致生腫痛孫真人云卒得腸癰而不曉其病候錯則殺人其病初起覺腹中微痛小腹腫而強抑之則痛小便澀似淋時時汗出復惡寒其身皮甲錯腹皮緊急如腫之狀按之濡

或發熱無汗灑浙惡寒皆其候也其脉洪數者為有膿也可下脉遲緊者未有膿不可下也甚者腹脹轉側有水聲或透脐生瘡汁從脐出或大便下膿血或一足不能舉凡此皆為惡候胃腕瘧者經曰胃脉沉細沉細者氣逆者人迎反盛則熱聚於胃口而不行故胃腕為瘧也治法亦與腸瘧頗同初以疎利之藥導其滯次以排膿消毒托裡之藥調之此其大法也

脉經問曰羽林婦何以知腸有膿師曰脉滑而數

滑則為實數則為熱滑則為榮數則為衛、數下降榮滑上升榮衛相干血為敗濁小腹痞堅小便或澁或自汗出或復惡寒膿為已成設脉遲緊則為瘀血血下即安

薏苡附子敗醬散 治身甲錯腹皮急如腹脹本

無積聚身熱脉數者 附子炮二 敗醬五分

薏苡錢一 右為末每服一錢水煎頓服小便

當下而愈

三因方 苡仁 附子同前 敗醬一兩二分



每用四錢水一盞半煎七分去渣空心服

千金大黃牡丹湯 治腸癰小腹痞堅或偏在膀胱

左右其色白堅大如掌熱小便自調時自汗出脉遲堅者未成膿可下之常有血脉數則膿

已成不復可下 大黃四兩 牡丹皮三兩 芒硝

二兩 冬瓜仁升一 薤仁五枚 右水五升煮一

升頓服當下膿血

無釋薤苳湯 腸癰腹中痛煩燥不安或脹滿不

食小便澁婦人產後虛熱多有此病縱非癰但

疑是者便可與或有差亦無妨

冬瓜子四兩

薤苳五兩 牡丹皮 薤仁各三兩 如無冬瓜仁

以瓜蒌仁代之每服五錢水煎服 姚氏去薤

仁用杏仁 崔氏加芒硝二兩

醫案曰女子腹痛百方不治脉滑數時作熱腹微

急孫尚診曰腹痛脉當沉細今脉滑數此腸癰

也以雲母膏一兩作丸如梧桐子大用牛皮膠

溶化温酒調膠水吞九子下餉時服尽下膿血

一盆而安



昔一婦人腸中痛不可忍大便從小便中出場言  
老之婿李生診之曰夫乳脉見於寸部者乃積  
血在胸今乳目於關乃腸生瘕也乃出雲母膏  
作百十九煎苦葶湯吞下利膿血數升而安  
右腸瘕五方丹溪所集也前三方置於篇首者  
蓋亦腫瘍瀉利例也後二方用膠黃耆煎湯吞  
藥者乃潰瘍神例也

四

聖散

一名神效  
括萎散

治腸瘕：疽五發乳瘕便毒

服之神應

大生瓜

一枝  
去皮

粉草

研末  
四錢

乳香

研末  
一錢

沒藥

研末  
三錢

右用好酒二大盃浸

火煎至一盃分作二次兩日服盡大便順導惡

物妙 若乾瓜萎則用兩枚若疾甚者再服以

退為度此方極佳 盃音碗

牡丹皮散 腸瘕冷症腹濡而痛時時利膿


丹皮 人參 天麻 白茯苓 黃耆 木香

川芎 菴仁去皮 川芎 官桂各三分 白芷

苡仁 甘草 右用水煎溫服

梅仁湯 腸瘕裡急隱痛大便閉澀





梅核仁四十九枚  
去皮尖

大黃三兩

牡丹皮一兩七分

冬瓜仁四兩

芒硝二兩

犀角一兩半

每服七

錢水煎服下利膿血三兩行為度

神仙鱉磐丸 治腸癰神妙此藥不拘老幼皆可

服之無不取効最止疼痛不動臟腑乃內托之

藥也 方見癰疽門

丹溪曰腸癰大腸有熱積死血流注桃仁承氣湯

加連翹秦艽近肛門破入風者難治用防風類

河間射干湯 治胃脘癰人逆脉逆而盛敷膿血

營衛不流熱聚胃口成癰 梔子仁 赤茯苓

射干去毛 升麻各一兩 赤芍一兩 白朮五錢

每服五錢水煎將熟入生地黃汁一合蜜半合

再煎溫服不拘時

復元通氣散 治諸氣溢耳聾腹癰便癰瘡疽無

頭止痛消腫

青皮 陳皮各四兩 甘草三寸半 川山甲炒

瓜蒞根各二兩 金銀花一兩 連翹一兩

右為末熱酒調下

痔漏門

痔者肛門內外有癰脹疼者是也東垣謂濕熱風燥四氣相合而致也痔有五種謂牡痔牝痔脉痔腸痔血痔也古方又有酒痔氣痔垂痔翻花痔鼠妳蠛蛄等痔之名不一究其所因亦不過久嗜辛熱炙煇新酒及房勞憂思蘊積熱毒憤鬱之氣所致也或藏於肛門之內或突於肛門之外若蘊毒深者其狀大蘊毒淺者其狀小大者如蓮花鷄冠挾菴之狀小者如牛妳鷄心櫻

菴之類久而不愈有妨行坐或出鮮血或流膿水則成漏矣治法在外者宜點之洗之在內者宜祛其風而除其濕消其熱而解其毒斯得治之法矣

東垣秦艽蒼朮湯

治痔疾若破謂之痔漏大便

秘澁必作大病此由風熱乘食飽不通氣逼大腸而作也變病者燥氣也為病者胃濕也胃刑大腸則化燥火以乘燥熱之實勝風附熱而來是濕熱風燥四氣相合故大腸頭成塊者濕也





作大病者風也若大便燥結者主病兼受火邪也熱結不通去燥屎者其西方肺主諸氣其体收下亦助疾病為邪須當破氣藥煎之治法全矣服之其疾立愈不可作丸以判湯與之効如神

秦艽六錢 澤瀉三分 蒼朮七分 防風根五分 薤仁錢五分 當歸根三分 黃柏去五分 酒洗五分 大黃少許 楨即楨 皂角五分 煨存性去皮 仁煨 未調下服之

右除楨即薤仁皂角仁三味候煎成藥研勻調入外餘咬咀作一服水

三盞煎至一盞二分去查入前三味再上火煎至一盞空心熱服待少時以羹饌壓之不犯胃氣也服藥日忌生冷硬物及酒麪大料物乾姜之類犯之則藥無効如有白膿加五朶白葵花須除萼去心細剪入青皮五分不去白入上藥同煎又用水香三分為細末同楨即等三味再上藥同煎依上法服餌古人以此疾多以歲月除之此藥一服立愈若病久者再服必愈

秦艽白朮丸



蒼木澤瀉丸

秦艽去 婦稍洗 柰仁酒浸去皮尖 地榆錢 澤瀉  
皂角仁燒存性去 枳實切 白木各半  
右為細末和苑仁泥研勻煎熱沸湯麩糊丸鷄  
豆大焙乾白湯下空心宿食消盡服之少時以  
美膳壓忌生冷硬物冷水菜并濕麩酒及五辣  
辛熱大料物之類犯之則藥無驗十服必愈

蒼木四兩 澤瀉皮 枳實 秦艽各二兩 地榆  
皂角子燒存性 右為細末燒餅為丸如桐子

大每服三十九米飲湯或酒下

一婦人產後痔作瘡有頭如蒜頭大或下鮮血或

紫血大便疼與黑神散又多食肉太飽此濕熱

在大腸 郁李仁去 麻仁 槐角各六錢 枳實

皂角仁五錢 蒼木 歸尾 生地各三錢 大黃

錢炒一 右分六帖內三仁另研煎服

又方 治痔用鷄冠花不拘多少濃煎湯每服一

盞空心服 本草云鷄冠花性涼治瀉血

丹溪治番花痔頭向上是大腸熱甚收縮為主用



四物解毒加枳殼白朮槐角秦艽

治番花痔 荆芥 防風 朴硝 右煎藥湯洗

之次用木鱉子鬱金研末龍腦牝少水調塗上  
痔藥膏子治外痔番花脫出黃水不止腫痛病並  
用銀潤篋蘸藥塗傳日一次重者五七次立愈  
先用藥水洗拭乾却傳此膏用真葉灰不拘多  
少淋濃汁兩碗熬至一碗却入草烏片大黃片  
各二錢再漫火熬至半碗入甘草一錢數沸下  
淨細石灰半匙頭不可多略沸三五次用絹一

重花紙二重如絞漆狀瀝過再熬成膏候冷用  
真胆礬五分研極細末放入膏中用瓦器盛貯  
封之臨用入龍腦末和勻傳之

治腸痔鱉甲丸 鱉甲 蝟皮 川山甲

白礬 附子 猪牙皂角

右細末研勻蒸餅丸如桐子大米飲下二十九

食前日三服

又方 槐花 白礬 附子 右細末

研勻蒸餅丸如桐子大每服二十九米飲下食



前日三服

丹溪治二十三年不愈者三服止用蓮花蕊散

蓮花蕊

黑牽牛頭末

各一兩半

當歸

兩半

礬紅

許少

右為末先忌食肉五七日空心令食肉一頓就取溫酒下三錢約兩時辰取下膿血或虫是効海藏外臺治五十歲痔不瘥塗熊胆取瘥神効諸方不及此

七聖丸 治大腸疼痛不可忍王叔和云積氣生

於脾藏傍大腸疼痛陣難當漸交稍瀉三焦濕

莫漫多方立紀綱

羌活

一兩

檳榔

木香

川芎

桂枝

去皮各半兩

大黃

八錢

郁李仁

去皮另研一兩

右除郁李仁另研外為細末煉蜜丸桐子大驗虛實臨時斟酌丸數白湯下取大便微利一服而愈切禁不得多利大便若大行其病甚甚治鼠痔結核作渴疼痛方

皂角

炙

川山甲

黃耆

荊芥

槐子

木香

蝟皮

鱉甲

醋炒

桔梗

露蜂房

焦炒

芍藥各一兩

大黃錢五

右為末煉蜜丸桐子大每服三十九溫酒下食前日三服未止加至四五十丸

治痔疾下血疼痛不止以玩月沙不拘多少慢火熬令黃色為末每二錢入乳香五分空心溫酒調下日三四服瘥

秦艽羌活湯 治痔漏成塊下垂疙瘡不任其痒

升麻根

柴胡

甘草炙

麻黃根各五分

黃耆

秦艽

各一錢

防風根七分

藁本三分

細辛炒

紅花少

羌活根一分鐵三分

水煎服

治痔有虫咬穀道痒或下膿血多取槐白皮濃煎汁安盆中坐薰之塞其穀道湯冷更煖之良久欲大便當虫出不過三度即愈如用末綿裹納下部

淋瀝藥 治下部痔腫大腸頭痒痛

葳靈仙

枳殼炒各一兩

右為粗末熬水薰洗

冷即再煖臨卧避風洗三次挹乾貼蒲黃散丹溪治腸風痔漏有虫如絲細黑頭取去除根



瞿麥

斤半

猪牙皂角

十

右為末入猪腰子一隻內用米泔煮空心食之

少頃肚痛上攻虫皆隋出作地坑埋之薄粥之

當歸郁李仁湯 治痔漏大便硬努出大腸頭下

垂多血苦痛不能忍 皂角仁另研細末調服 郁李仁

秦艽各一錢 麻子仁半錢 當歸稍 生地黃

蒼木各五分 澤瀉三錢 枳實七錢 大黃三錢

右除皂角仁研細末餘藥剉如麻豆大水三大

盞煎一盞去渣入皂角末調在內空心食前候

宿食消令服之忌風寒處大小便如欲涼大腸

寬大腸則用枳殼去穰入巴豆鉄線纏煮透去

巴豆入 煎用若丸藥則搗爛用煎藥則乾用

治腸痔 每大便下血槐樹上木耳取末之飲服


方寸瘥日三服良

治腸痔多至不瘥下血不止木賊枳壳各二兩乾

姜一兩 天黃一分 四味並剉一處入銚子內炒

黑色 不粒 三分搗羅温粟米湯調食前服二錢

七其妙



治痔漏方

鷄子

一個煮熟去黃取白切妙

明礬

如皂角子大匙

上粘通

右兩末用溫湯洗淨拭乾用紙燃點

藥送瘡孔立効日三易

又方

川山甲

一兩燒

肉苳蔻仁

同

同為末

米飲調二錢服口氣痔膿血七老刺蝟皮一兩

燒服中病即已必盡劑

治痔神應散

治五種腸風下血上廁糞前有血

名外痔糞後有血名內痔大腸不收名脫肛穀

道四面有努肉名妳痔頭上有孔漏出名腸風

並治之

黃牛角

一校中老健碎

蛇蛻皮

一條

猪牙皂角

七

川山甲

七片

刺蝟皮

一兩

右五味細剉入甕瓶內以黃泥封固候乾先用

小火燒令烟出後用大火煨令通赤為度取出

攤開候冷搗羅為末服時先令患者臨卧時細

嚼胡桃仁一個如糊用無灰好酒一盞送下不

可言語便睡至五更時以溫酒調下藥末三錢

至辰時更進一服雖年久不過三服立効  
丹溪治腸風痔漏如神大樹木上寄生葉取乾為



末酒水米飲任下或丸桐子大服三十九丸亦可  
千金方 治五痔方蒼耳莖葉以五月五日採乾  
為末水服方寸七或丸桐子大服之立効  
洗痔疼 用荊芥朴硝葉寄生定痛鮮毒去風涼  
大腸熱安胎如腫者加倍子木鱉子研極細調  
服而愈

又方 五倍子朴硝葉寄生蓮房水煎洗一方  
加百藥煎洗  
洗痔方 輕者用朝東馬齒莧劉寄奴濃煎湯薰

待溫却用手洗拭乾重者加大青葉梗乾者一  
半同煎

丹溪治痔瘻用灰莧帶根煎濃湯先薰後洗  
又方 取河水頻洗用蝸牛塗之  
一方治痔 用雄鷄胆片腦和勻貼之  
一方 熊胆塗之神効

蒲黃散 治下部痔漏 蒲黃 血竭半兩

右為細末每用少許貼於患處

薰痔法 蝟皮切方三指大 雄黃末大 熟艾鷄子大





右為未用瓦器以灰實一半如燒香法安長桶  
內坐其上薰之烟氣從口出為佳凡三度薰永  
瘡勿犯風冷忌鷄肉毒物

卅溪治痔瘡 大蒜十片頭垢捏成餅子先安頭  
垢餅於痔頭上外安蒜片以艾灸之

本事方 治一判官乘騾入駱谷有痔疾因此大  
作其狀如胡瓜貫於腸頭熱如澹灰火至驛僵  
仆主驛吏云此病予曾患來須灸即瘡用柳枝  
濃煎湯先洗痔便以艾炷其上連灸三五炷忽

覺一道熱氣入腸中因轉瀉鮮血穢物一時出  
至痛夢瀉後遂失胡瓜所在登驛而馳去

無擇云腸癖如痔如大澤中有小山突出為痔人  
於九竅中凡有小肉突出皆曰痔不特於肛門  
邊生有鼻痔眼痔牙痔等其狀不一方書分出  
五種曰牡曰牝曰脉曰腸曰氣牝痔者肛邊生  
瘡腫突出一日數枚膿潰即散牡痔者肛邊發  
露肉珠狀如鼠妳時時滴瀆膿血脉痔者腸口  
顆、發癩且痛且痒出血淋漓腸痔者腸內結



挾有血寒熱往來登瀛脫肛氣痔者遇恐怒則  
發肛門腫痛氣散則愈又方有酒痔每遇飲酒  
發動瘡腫痛而流血血痔則每遇大便清血隨  
下而不止宜解熱調血順氣為主若久不愈必  
至穿穴為漏矣  
治痔切勿用生砒毒氣入腹反至奄忽忌喫生冷  
硬物冷菜之類及酒濕麪五辣辛熱大料物及  
乾姜之類犯之無効此東垣格言也  
秦艽防風湯 治痔漏每大便時疼痛

秦艽 防風 婦身 白朮各半 甘草炙

澤瀉分六 黃柏分五 大黃煨 陳皮各三 柴胡

升麻各三 桃仁卅箇去尖另研 紅花許

右水煎空心熱服


烏金散 治痔漏

川山甲 蝟皮性燒存 黃牛角腮剉碎 牙皂角

槐子 皂莢刺 枳殼 貫衆 阿膠各等

川山甲炒 右為細末每服錢半用胡桃肉爛研

併調酒食前服大腸熱荊芥湯下漏血不下



蝟皮丸 治諸痔出血裡急後重

川芎 川芎 白芍 枳殼 各五錢 槐花 各三錢

艾葉 炒 地榆 黃蓉 白礬 枳 貫衆 各半

蝟皮 一兩 灸焦 大皂角 一條 猪後蹄垂甲 十箇

蜂房 錢五分 川山甲 錢五分 皂角刺 錢五分

一方有蟬退洗淨畧燒二錢 右為末醋糊丸

如桐子大每服七十九

逐瘀湯 治熱痔通利大小便取下黑物

川芎 赤芍 生地 白芷 五靈脂 枳殼

阿膠 蓬木 地 茯苓 茯神 木通

生甘草 各一分 大黃 生 莢仁 去皮各一分半

每服三錢姜三片蜜三匙煎服以利為度汚血

作疼通用

釣腸丸 治久新諸痔肛邊腫疼或痒挾虛寒而

作者 括萎 二箇 燒 蝟皮 剉碎 內燒

白礬 綠礬 枳 胡桃仁 十五箇 白附子 生

半夏 南星 鷄冠花 五兩 枳殼 附子 去皮

訶子 去核各二兩 右為末醋麩糊丸梧子大每服



二十九空心臨卧温酒下

槐角丸 治諸痔出血及痔頭上有孔名瘻

槐角炒一兩 地榆一兩 川歸一兩 黃芩一兩

防風一兩 枳殼一兩 右為末酒糊丸如梧子大

每服五十九米飲下

乾葛湯 治酒痔

白乾葛 枳殼 半夏 茯苓 生地各半兩

黃芩 甘草各一分 杏仁五錢 每服三錢黑豆

百粒姜五片白梅一個水煎服

橘皮湯 治氣痔

陳皮 枳殼 川芎 槐花炒各半兩 檳榔

木香 薤仁 紫蘇莖葉 香附 甘草錢半

每服三錢姜枣煎服

黑玉丹 治腸風及痔漏頭疼不可忍用此去虫

拔根三五服見效 蝟皮剉八兩 猪懸蹄百隻

牛角腮八兩 槐角二兩 雷丸 脂麻各二兩

乱髮皂角煎湯洗 敗棕剉各二兩 苦練根剉二兩半

右用磁罐內燒存性研細末入乳香一兩射香



四錢研合和勻酒糊丸如桐子大每服五十九  
先細嚼胡桃一枚以溫酒吞下日二服甚者日  
三服空心及食前服

又方 治同上

人參

黃耆

各

生地

川芎

川芎

條芩

升麻

枳殼

槐角

各等分

右為細末麵糊丸

如桐子大每服三十九空心米湯下

麝藥蝸牛膏

蝸牛按

腦子

射香各少許摻

之用磁合盛次早取汁附之

一方 熊胆

錢一

射香

分一

片腦

厘五

共為細末

點田中大螺數枚碗盛候汁出取以點之

一方 寒水石

朴硝

共為末以津調手指點

藥附痔上

一方 蝟皮燒灰生酒油和附

治腸痔下部者

如虫蝕灸末用

一方 治諸痔用川山甲自尾根盡處數除三鱗

不用取第四五大鱗橫三行燒存性為末入射

香少許臘茶一匙同調空心服以澄下濃者附



瘡上其冷如冰冷永不痛大効

肘後方 治漏 蜂房一枚炙黃赤色為末每用

一錢臍猪脂調附瘡上

一方 用兔系子炒黃黑色為末用少許和鷄子黃調附亦治谷道中赤腫

一用木鱉子槌去油煎湯洗一用槐柳枝煎湯洗又方 飲酒多之人生痔三黃丸以生地黃汁為丸空心淡酒吞下三五丸立効

二八通玄丹 梅東先生方

宣連

入兩用茱萸四兩炒去茱萸

川歸

二兩

烏梅肉

槐角

枳殼各二兩

右為末以雄猪肚一箇洗

淨入藥在內外以韭菜四五斤包其肚用水醋共數碗煮肚熟為度去韭菜并肚以藥爛搗丸如桐子大每服空心白湯下五七十丸


虫痔 用鱧魚乾燒烟薰之虫尽死而愈

治穀道邊生瘡久不愈者 用鷄內金燒灰存性

研細末乾貼患處如神

皂角煎丸 治內痔漏腸頭裏面生核寒熱往來





滿尺皂角

二挺去弦  
糖醋炙

白礬

煨

刺蝟皮

炙

薏苡仁

白芷

各一兩

菝葜

去皮炒

甜葶藶

炒

川芎

桔梗

各半兩

猪後蹄垂甲

十枚燒存性

右為細末煉蜜丸如桐子大每服五十九空心用棗白皮煎湯送下

拔毒散 敷痔腫毒處

大黃

黃蘗

白芨

石羔

黃芩

黃連

白歛

梔子

朴硝

各等分

右為末用井花水調塗

### 湯火門

凡湯火傷急向火炙雜極痛強忍一時即不痛慎勿以冷物塌之及井底泥傳之使熱氣不出爛

入肌肉

火燒以好酒洗之再以鹽傳其上如皮塌者以酒

熬牛皮膠傳之

熱酒傷用糯米粉炒黑末酒調傳之

治湯火灼未成瘡者用艾白根燒灰鷄子黃和傳之如成瘡用白密封之以竹中取膜貼上日

三

治湯火瘡麩皮炒黑灰為末傳上神妙此方有補

性始終皆可用

治湯火瘡取舊烹銀爐中燒過焦黃土研細如粉以生姜調於帛上貼之痛止

一方用溶銀鍋子細末油調傳上佳

保生救苦散 治火燒熱油損或至皮肉脫及一切狗咬損傷并刀斧傷用生寒水石不拘多少為極細末調塗之或乾上然不如油調塗其痛立止並不作膿無分毫痛苦楚日近完復永無

破傷風症

冰霜散 治火燒皮爛大痛

寒水石

生

牡蠣

燒

朴硝

青黛

輕粉

各等分

右為細末新水或小油調塗立止

治火燒

桐油

水銀

各等分

右二件以柳條不

住手攪成膏再入大黃石羔二末和以牛皮膠入少水溶開外用貓兒肚底毛細剪摻上貼之以青黛傳之妙

治湯火瘡爛者以黃蜀葵花落者淨器收之入水





此少待爛成水傳上神妙

熱油燒外痛以蜜傳之立安 梅師方

治湯火瘡至妙 用劉寄奴為末先以粳米漿鷄  
翎掃傷處後以藥末搽上不痛且無痕大凡湯  
傷先用鹽末摻之護肉不壞然後傳藥  
又方以榆白皮末猪脂油塗瘡愈

顛撲損傷門

按發明經云夫從高墜下惡血滯於內不分十二  
經絡聖人俱作風中肝經滯於脇下以中風療

之血者皆肝之所主惡血必歸于肝不問何經  
之傷必留於脇下蓋肝主血故也痛甚則必有  
自汗但人汗出皆為風症諸痛皆屬於肝木况  
敗血凝滯從其所屬入于肝也從高墜下逆其  
所行之血氣非肝而何以破血行經藥治之  
內經云肝脉搏堅而長色不青當病墮若搏因血  
在脇下令人嘔逆金匱云寸口脉浮微而澁然  
當亡血若汗出設不汗出者當身有瘡被刀斧  
所傷亡血故也

金瘡出血脉沉小者生浮大者死

砍瘡出血一二石者脉大二十日死

砍刺出血不止者其脉止脉來大者七日死滑

細者生

從高顛仆內有血腹脹滿脉弦者生小弱者死  
劉宗厚云按破傷有瘀血在內脉堅強實則生虛  
小弱者死若亡血過多脉虛細小者生浮大數  
實者死皆為脉病不相應也

子和云諸落馬墜井打撲傷損閃胸損折肢瘡腫

發焮痛不止者可峻下二三十行痛止腫消宜  
以通經散蘗水丸等藥或加湯劑瀉之後服和  
血消腫散毒之藥

劉宗厚曰按子和於墮車落馬杖瘡閃胸者俱用  
峻下其有心恙牙關緊急者云是驚涎堵塞於  
上俱用三聖散先吐後下其法雖峻然果有經  
涎瘀血停留於內焮痛腫脹發於外者亦奏捷  
功但於出血過多老弱之人脉虛大者亦當  
又曰謹按打金及損傷是不因動氣而病生於外



外受有形之物所傷乃血肉筋骨受病非如六淫七情為病有在氣在血之分也所以損傷一症專從血論但須分其有瘀血停積而亡血過多之症蓋打撲墜墮皮不破而內損者必有瘀血若金刃傷皮出血或致亡血過多二者不可同法而治有瘀血者宜攻利之若亡血者兼補而行之又察其傷有上下輕重淺深之異經絡氣血多少之殊惟宜先逐瘀血通經絡和血止痛然後調氣養血補益胃氣無不効也頃見圍

城中軍士被傷不問頭面手足胸背輕重治者例以大黃等藥利之後大黃缺少甚者遂以巴豆代之以為不於初時瀉去毒氣後則多致危殆至於略人手指亦悉以藥利之殊不知大黃之藥惟與有瘀血者相宜其有亡血過多元氣胃氣虛弱之人不可服也其巴豆大熱有毒止能破堅逐積用於此疾尤非切當所以有服下藥過後其脉愈見堅大治者不察又以為瘀血未盡而復下之因而夭折人命可不慎歎



凡損傷切不可食冷水血見寒則凝但一系血人

心即死攻以下瘀血之劑治之

金櫃治馬墜及一切筋骨損方

大黃酒浸 緋帛如手大 亂髮如鷄子大

煨單布一尺 敗蒲二把 桃仁四十九粒

甘草炙如中 七味以童便煎成入酒一大盞

次下大黃去滓分溫三服先對敗蒲席半領煎

湯浴衣被覆斯須通利痛楚立瘥

復元活血湯 從高墜下惡血留於脇下疼痛實

不可忍 柴胡錢五 當歸錢六 甘草 川山甲

炮各二錢 大黃酒浸 薤仁五十枚 紅花

瓜蒌根各二錢 右件桃仁研爛剉如豆大每服

一兩水二中半酒半中煎至七分食前服以利

為度得利後痛或不尽服乳香神應散

靈樞云墜墮惡血留於脇下則傷肝膽之經行

於脇下屬厥陰少陽宜以柴胡為引用為君以

當歸活血脈又急者痛也以甘草緩其急亦能

生新血陽生陰長故也為臣川山甲括萎根桃



仁紅花破血潤血為之佐大黃酒製以蕩滌敗  
血為之使

當歸導滯散 治損傷瘀血大便不通紅腫暗青

疼痛昏悶畜血內壅欲死

大黃兩一 當歸錢三 射香許少 右二味為細末

入射香和勻每服三錢熱酒調下其瘀血自下

若骨節傷折疼痛以定痛接骨紫金丹治之

定痛乳香神應散 東垣方 治從高墜下疼痛

不可忍及腹中疼痛 乳香 沒藥 雄黑豆

藥白皮 獨科栗子各一兩 破故布二兩

當歸兩一 水蛭兩半 右為末每服五錢醋一盞

沙石器內煎至六分入射香少許溫服

定痛接骨紫金丹

麝香 沒藥 紅娘子各一錢半 烏藥二錢半

地龍錢去土半 川烏 草烏一兩各 五靈脂兩半

木鱉子去壳半兩 茴香二錢半 黑丑五生用 骨碎補

威靈仙 金毛狗脊 防風 自然銅醋淬紅七次

錢各五 禹餘糧錢四 陳皮 青皮各二分



右為細末醋糊丸桐子大每服十九至二十九  
溫酒送下

三因鷄鳴散

從高墜下及木石所壓凡是損傷

瘀血凝滯疼痛欲死兼以此藥推陳致新神効

此方治血滯於肺部氣分也

大黃

杏仁

右研細酒一碗煎至六分去滓

鷄鳴時服至晚取下瘀血即愈若便覺氣絕取

藥不及急劈開口以熱小便灌之

王海藏云若登高墜下撞打及傷心腹胸中積血

不散以上中下三焦部分分之以易老犀角地

黃湯桃仁承氣湯抵當湯丸之類下之亦有以

小便同煎治之者更有內加生地當歸煎服者

亦有加大黃者惟智者擇之

潔古巴戟湯 治從高墜下及打撲內損昏冒嗜

卧不能飲食此謂血閉臟腑不通 巴戟去心

大黃

當歸

地黃

芍藥

川芎

各一兩

右水煎以利為度

嚴氏奪命散

治刀刃所傷及從高墜下木石壓



損瘀血凝滯心腹疼痛大小便不通

水蛭

用石灰拌慢火炒令黃色半兩

黑丑

二兩

右為末每服

二錢熱酒調下約行四五里再用熱酒調黑丑末二錢催之瀕下惡血成塊以盡為度

破血止痛行經之劑

破血散

治乘馬損傷跌其脊骨惡血留於脇下

其痛苦楚不能轉側

羌活

防風

桂枝

各一錢

柴胡

連翹

各二錢

婦稍

三錢

水蛭

炒烟尽

射香

少許

另研

右分作二服每服二大錢酒水一盞除水蛭射香外另研如泥煎餘藥一大盞調二味食前服

地龍散

治腰痛或打撲損傷從高墜下惡血

留於太陽經中令人腰脊或脛膕臂腰中痛不

可忍

中桂

地龍

各四分

羌活

二錢

黃栢

甘草

各一錢

蘇木

六分

麻黃

五分

桃仁

六枚

婦稍

一分

每服五錢水煎服

三因加味芎藭湯

治打傷敗血入胃嘔吐黑血

川芎

當歸


白芍

百合

淡半日

荆芥穗

各等分



右水酒各半煎服

元戎加味四物湯 治虛人損傷不禁下者

四物湯加川山甲水煎服

花蕊石散 治一切金刃箭鏃傷及打撲傷損猶

犬咬傷或至死血瘀傷處以藥搽之其血化為

黃水再搽藥便活不疼痛如內損血入臟腑煎

童子小便入酒少許調一大盞服之立効若牛

舐腸出不損者急納腸入用細系或素白皮為

線縫合肚皮縫上搽藥血止立活如無素白皮

用生麻縷亦可並不可封裹瘡口恐作膿血如

瘡乾以津液潤之然後搽藥婦人產後敗血不

盡血迷血暈惡血奔心胎死腹中胎衣不下至

死者但心後覺煖急以童子小便調一盞取下

惡物如肝片終身不患血風血氣症若膈上有

血化為黃水即時吐出或隨大便出

石硫黃兩四 花蕊石兩二 右二味相拌合身先

用帛筋和鹽坭固濟瓦礫子一箇內可容藥候

坭乾入藥在內再用坭封口候乾安在四方磚





上上書八卦五行字用炭一秤籠疊周匝自己  
午時從下着火漸上徹直至經宿火冷炭尽  
又經宿出確細研以絹羅子篩極細磁盒盛之  
依法使用

雜方

本事方 治打撲墜損惡血攻心悶亂疼痛水仙  
散未展荷葉陰乾一味為末食前以熱童便一  
盞調下三錢以利下惡物為度

經驗方

治打撲損筋傷骨折

黃栢兩一

半夏半五

右為細末用生姜自然汁

調如稀糊敷以帛花貼如乾再敷如骨折先以  
絹帛封縛以用杉樹皮束定良久痛止即痒杻  
熱乃是血活筋骨復舊輕者三五日重者不過  
旬日矣

本事方

治跌仆傷筋損骨痛不可忍

此方乃神  
龍相授

生地為末

藏瓜姜糖

各一斤

生地

四兩切

右都炒令勻熱以布裹蒼傷折處冷則易之  
治打撲內損筋骨疼痛



乳香 沒藥 芍藥 川芎 川椒去子及

當歸各半 自然銅煨三 右為細末用黃蠟

四兩溶開入藥末不住手攪勻濕丸如彈子大  
每服一丸用好酒煎開消盡乘熱一服吃盡看

何處痛向痛處吐霎時服三五丸立効

衍義云 沒藥通滯血打傷撲損疼痛皆以酒化

服夫血滯真而行之則痛腫消焉

肘後方 治被打瘀血在骨節下出者

生鉄斤一 酒五煎取一升飲之

丹溪治一人因上山惡血瘀入內損傷食少脉絃

治宜活血和氣

川芎錢三 青皮錢二 芍藥 活石各一 丹皮分五

炙甘草錢一 桃仁七枚 水煎服之

綴耳鼻法 治擦落耳鼻用髮入確子鹽坭固濟

煨為末乘急以所擦落耳鼻蘸灰綴定以軟帛

縛定立効

肩穿法 凡負重擔肩破者剪猪兒頭上毛不語

唾粘之

遠行脚打泡 以生麩水調為糊貼過夜即乾不  
可擦破

又方用飯粘搗貼以帛覆之過夜次日平復効

抵金用 跌撲傷損閃扭出骨竅等症

蚕沙炒黃

菘豆粉炒黃各四兩

枯礬二兩

右為末醱醋調敷患處厚帛貼之絹帛綁扎換  
敷三四次即愈忌產婦

秘傳神効散 治跌撲損傷骨折骨碎筋斷疼痛  
不可忍者此藥極能理傷續斷累驗若神

用路上或墻脚下過往人使溺處經久碎瓦片  
取來洗淨火煨醋淬五次反黃色為度以刀  
刮細末每服三錢好酒調服不可以藥微賤而  
輕忽其功也

一字散 治跌撲傷損功效同前

半兩錢五枚火煨醋淬四次甜瓜子仁錢五 珍珠錢二

右為末每服一字好酒調下

治跌撲傷損 用蟹二隻連殼搗爛好酒二碗濃  
煎去渣飲之留渣敷患處




治損傷神効 治跌傷骨折急取雄鷄一隻量患  
人酒量多少成一碗半碗將鷄刺血於酒中溫  
之令患人熱飲其痛立止驗甚

癘風

內經云脉風成癘此疾非止肺腎二臟有之以其  
病發於鼻俗呼為肺風也鼻準赤而脹大乃血  
隨氣化也氣不施則血聚血聚則肉潰而生虫  
此屬厥陰當以藥疎之可用局方升麻湯下錢  
氏瀉青丸是也餘病各隨經而治之癘風成癩  
樺皮散主之從少至多服五七月後灸承漿七  
壯瘡愈勿止藥再灸同止 承漿一名懸漿在  
唇下宛宛中足陽明任脉之會療偏風口喎面





腫消渴口齒疔蝕虫瘡灸之佳每灸七壯至七  
七壯止灸則血脉宣通其風應時而愈艾炷如  
小竹筋頭大不可灸破血肉但令當脉灸亦能  
愈疾

擗皮散

治肺臟風毒遍身瘡疥及癩疹癢痒

杏仁

泡去皮尖水一碗煮至五分取出晒乾另研末

荆芥穗

各二兩

枳殼

去穢炭火燒存性

擗皮

燒存性各四兩

炙甘草

錢五

右五味為末每服二錢食後溫酒調下日進三次

交霄散

治癘風神効

蟬退

地龍去土焙

白僵蚕

全蝎各七箇

凌霄花

錢五

右為末每服二錢酒調下無時常

宜浴每浴坐於湯中浸一時久服藥神効

四聖保命丹

大黃

錢五

黃栢

兩八

苦參

荆芥

各四兩

乾礬

一枚

瓜蒌根

防風

錢各五

輕粉

錢二

右為末每服一錢茶清一盞調下空心日午臨  
卧各一服服五七日後先於牙縫內出臭黃涎  
渾身疼痛次後便利膿血病根悉去

加減何首烏散

治紫白癩風筋骨疼痛四肢少

力眼紅無白鼻梁崩壞皮膚瘡疥及手足皸裂

睡卧不安行步艱辛

何首烏

蔓荊子

石菖蒲

荊芥穗

甘菊花

枸杞子

葳靈仙

苦參各五錢

右為末每服三錢蜜茶調下無時

參毛丸

治大麻風

苦參一斤

戴毛半斤

存性煨

為末陳米糊為丸梧

桐子大每服五十九酒送下一日二次

仙方鱖鯉散

此方治大麻風極妙絕勝他方寶

穿山甲活者大約重十觔為妙剖開肚不去腸

雜以真生漆一觔塗在肚內陰乾七日用泥

包火煨存性研極細末每服三分或五分火

酒調下用真青布被上下蓋之出汗臭不可

聞不得見風待汗乾被上俱是小虫服十日

眉毛復出身上膿水瘡皆愈一月即脫躰除

根

愈風散

治一切惡風癩疾除鼻梁崩壞者不治



外其餘不問新久無不收功

淡菴豉

真輕粉

只壳

俱為末每

服一二錢五更空心糯米湯調下至早飯後稍覺困倦欲睡不睡乃藥力搜風使然當逐下惡物再服後鶴虱丸調理

鶴虱丸

治大麻風不拘年月以効為度

鶴虱

兩

防風

兩

地榆

麻黃

兩

雄黃

兩

天麻

各半

右為細末醋糊為丸梧桐子大每

服三十五丸酒下日三

忌雞豬魚蒜粘滑油

臙燒炙胡椒房失能如此調養則萬全矣若初起三五年者十全八九如縱恣無忌憚者則不能收全功

癩瘡方

明礬末

黃蠟

新鮮土茯苓

過路珍珠草

紫背天葵根子

各一兩

右為末煉化黃蠟加生

蜜糖拌搗為丸梧子大每服三十九米飲下

初服一日三次後只一日一次

又秘方

治大麻風癩疾



終

又  
死人蛆虫洗淨銅片上焙乾為末每用一二錢  
用皂角刺煎濃湯調下 若腫而有疔瘡者乃  
陽明經濕熱蘊盛先以防風通聖散服二三帖  
然後再服此藥蓋此藥有補功以皂針為引故  
能達表能久服之極有神功非泛常草木可比  
倫也用遭橫死者於檢屍場中問作人買之極  
多不難









國立中央圖書館, NATIONAL CENTRAL LIBRARY, TAIWAN, R.O.C



